

**TERMA DAN SYARAT YANG MENTADBIR AKAUN DEPOSIT TETAP ISLAM (FD-i)
(Berkuatkuasa 1 Januari 2019)**

Definisi

'Pemegang Akaun' atau 'anda'	bermakna pemegang akaun individu Akaun Deposit Tetap Islam (sama ada secara bersendirian atau bersama) atau pemegang akaun bukan individu untuk Akaun Deposit Tetap Islam (yang mana berkenaan) dan termasuk waris, wakil peribadi dan pengganti hak milik masing-masing.
'Undang-undang yang Digunakan'	bermakna semua statut, undang-undang, peraturan, pengawalan, garis panduan, arahan dan pekeliling yang berkaitan atau berkenaan (sama ada yang dikeluarkan oleh mana-mana mahkamah, tribunal, badan kerajaan atau pihak berkuasa atau organisasi kawal selia sendiri yang mempunyai bidang kuasa ke atas kami atau mana-mana individu lain dalam Kumpulan).
'Penandatanganan yang Dibenarkan'	bermakna seorang individu (sama ada secara bersendirian atau bersama dengan mana-mana individu lain) yang dibenarkan oleh anda untuk memberi Arahan untuk mengendalikan Akaun Deposit Tetap Islam.
'BNM'	bermakna Bank Negara Malaysia.
'Cawangan'	bermakna pejabat cawangan kami di mana Akaun Deposit Tetap Islam dibuka dan/atau dikekalkan.
'Hari Perniagaan'	bermakna hari di mana Bank dibuka dan/atau beroperasi dalam negeri di mana tempat perniagaan Bank bertempat untuk urusan perniagaan dalam bentuk yang diperlukan atau dimaksudkan oleh Terma dan Syarat ini.
'Kod'	bermakna Kod Hasil Dalam Negeri 1986 yang dikeluarkan oleh Amerika Syarikat.
'Komoditi'	bermakna barangan dan komoditi patuh Shariah seperti yang dinyatakan dalam laman web kami.
'Hari'	bermakna hari kalendar dalam kalendar Gregory.
'ePenyata'	bermakna penyata elektronik yang disediakan untuk paparan melalui Perbankan Internet Peribadi UOB (untuk individu) selepas anda mendaftar untuk perkhidmatan ePenyata bagi Akaun Deposit Tetap Islam. Untuk mengelakkan keraguan, ePenyata tidak disediakan untuk Perbankan Internet Perniagaan UOB.
'Peristiwa Keingkaran'	bermakna apa-apa peristiwa atau perkara yang dinyatakan dalam Klausula 19.2 (c) hingga 19.2 (dd) di bawah.
'FATCA'	bermakna seksyen 1471 hingga 1474 Kod dan peraturan serta garis panduan lain yang dikeluarkan di bawah Kod, setiap satunya dipinda dari semasa ke semasa (lazimnya dikenali sebagai Akta Pematuhan Cukai Akaun Asing) ("FATCA") atau apa-apa perjanjian lain yang dimeterai dengan atau antara pihak berkuasa bagi pelaksanaan FATCA.
'Kumpulan'	bermakna cawangan, agensi, pejabat wakil, syarikat gabungan, bersekutu atau berkaitan kami, serta pegawai, kakitangan atau agen mereka, sama ada berada di dalam atau di luar Malaysia, dan juga

	termasuk kami.
'Deposit Tetap Islam'	bermakna deposit yang dimasukkan ke dalam Akaun Deposit Tetap Islam.
'Pengakuan Deposit Tetap Islam'	bermakna slip pengakuan yang membuktikan penempatan deposit berjangka ke dalam Akaun Deposit Tetap Islam pada tarikh yang dinyatakan di dalamnya.
'Arahan'	bermaksud sebarang permintaan atau permohonan bagi pembukaan Akaun Deposit Tetap Islam, kebenaran atau arahan dalam apa-apa bentuk, cara dan kaedah sekalipun termasuk pelantikan agensi yang dilakukan kepada kami oleh anda atau Penandatanganan yang Dibenarkan berhubung dengan Akaun Deposit Tetap Islam.
'Akaun Deposit Tetap Islam'	bermakna akaun deposit berjangka Islam yang dibuka dan/atau dikekalkan dengan kami.
'Proses Undang-undang'	mungkin termasuk, tetapi tidak terhad kepada, sebarang proses pemula termasuk writ saman dan saman pemula serta apa-apa bentuk proses pemula, rayuan, permohonan interlokutori, affidavit, perintah, penghakiman dan apa-apa dokumen lain yang perlu disampaikan di bawah sebarang undang-undang bertulis dan notis sedemikian di bawah Akta Syarikat 2016 dan Akta Insolvency 1967.
'Data Peribadi'	bermakna sebarang maklumat yang berkaitan secara langsung atau tidak langsung kepada seorang individu, yang bagi tujuan Terma dan Syarat ini mungkin termasuk, tetapi tidak terhad kepada, nama, alamat, pekerjaan, butiran perhubungan, maklumat yang diperolehi daripada sistem keselamatan (termasuk rakaman imej di Televisyen Litar Tertutup (<i>Closed Circuit Television</i> atau CCTV)), maklumat yang terkandung dalam Akaun Deposit Tetap yang dipegang oleh anda sama ada secara tunggal atau bersama dengan mana-mana individu lain, jenis produk dan/atau perkhidmatan yang anda telah melanggan dengan kami serta data lain sedemikian yang diperlukan mengenai diri anda dan transaksi anda dengan kami.
'Rebat (<i>Ibra</i>)'	bermakna rebat atau penepian bagi tuntutan separa atau penuh terhadap hak atau hutang tertentu.
'Sekatan'	bermakna sekatan, embargo atau langkah-langkah terbatas yang ditadbir, digubal atau dikuatkuasakan oleh mana-mana kerajaan, institusi atau agensi kerajaan, pengawal selia atau pihak berkuasa.
'Terma dan Syarat'	bermakna terma dan syarat ini yang mentadbir Akaun Deposit Tetap Islam (termasuk sebarang pindaan atau penambahan kepadanya yang kami mungkin tentukan dari semasa ke semasa).
'Penyata Akaun'	bermakna salinan fizikal penyata yang kami keluarkan kepada anda setiap suku tahun atau sebarang penyata tambahan lain yang dikeluarkan atas permintaan anda, atau ePenyata yang disediakan untuk paparan melalui PIB atau BIB (yang mana berkenaan) yang menunjukkan semua transaksi dalam Akaun Deposit Tetap Islam.
'Bank', 'UOBM', atau 'kami'	bermakna United Overseas Bank (Malaysia) Bhd dan di mana sesuai, akan termasuk pengganti hak milik dan pemegang serah haknya.
"Subjek Data Pihak Ketiga"	bermakna seorang individu di mana Data Peribadi beliau telah diberikan kepada kami oleh anda dan mungkin termasuk, tetapi tidak terhad kepada penerima mandat, waris, tanggungan, penjamin individu, dan pembekal keselamatan anda (di mana anda adalah seorang individu)

atau Penandatanganan yang Dibenarkan, pengarah, pemegang saham, pegawai, penjamin individu, dan pembekal keselamatan anda (di mana anda adalah sebuah syarikat atau organisasi).

'Perbankan Internet
Perniagaan UOB' atau
'BIB'

bermakna perkhidmatan perbankan internet perniagaan yang kami sediakan kepada anda (jika anda adalah pemilik tunggal, perkongsian, pertubuhan, persatuan, organisasi atau syarikat) untuk membolehkan anda mengakses akaun anda dengan kami dan melaksanakan transaksi perbankan atau transaksi lain secara elektronik melalui komputer atau peranti mudah alih.

'Perbankan Internet
Peribadi UOB' atau 'PIB'

bermakna perkhidmatan perbankan internet peribadi yang kami sediakan kepada anda untuk membolehkan anda (jika anda seorang individu) mengakses akaun anda dengan kami dan melaksanakan transaksi perbankan atau transaksi lain secara elektronik melalui komputer atau peranti mudah alih.

'AS'

bermakna Amerika Syarikat.

'Rakyat AS'

bermakna seorang warganegara atau pemastautin individu AS, perkongsian atau syarikat yang diperbadankan di AS atau di bawah undang-undang AS atau mana-mana negeri di AS, suatu amanah jika (i) mahkamah di AS akan mempunyai kuasa di bawah undang-undang yang digunakan untuk memberi arahan atau penghakiman mengenai sebahagian besar isu-isu berkenaan pentadbiran amanah, dan (ii) seorang atau lebih daripada seorang Rakyat AS mempunyai kuasa untuk mengawal semua keputusan utama amanah tersebut, atau estet keturunan seseorang yang merupakan warganegara atau pemastautin AS. Definisi ini akan ditafsirkan mengikut Kod. Sila maklum bahawa individu yang telah kehilangan kewarganegaraan AS mereka dan yang menetap di luar AS mungkin dianggap sebagai Rakyat AS dalam keadaan tertentu.

1. Terma dan Syarat

- 1.1 Dengan membuka, mengekalkan dan menggunakan Akaun Deposit Tetap Islam, anda bersetuju untuk diikat oleh Terma dan Syarat ini. Anda dianggap telah membaca, memahami dan menerima setiap terma.

2. Kontrak Syariah yang Digunakan

- 2.1 Akaun Deposit Tetap Islam akan dikendalikan selaras dengan prinsip-prinsip Syariah seperti **Murabahah** (kos ditambah dengan jualan), **Tawarruq/Komoditi Murabahah** (pengewangan) dan **Wakalah** (agensi), seperti yang dinyatakan secara terperinci di bawah.
- 2.2 **Murabahah** adalah kontrak jualan yang mendedahkan harga kos aset dan margin keuntungan kepada pembeli.
- 2.3 **Tawarruq/Komoditi Murabahah** terdiri daripada dua kontrak jual beli. Kontrak pertama melibatkan penjualan Komoditi oleh penjual kepada pembeli atas dasar tertunda (**Murabahah**). Kemudiannya, pembeli untuk jualan pertama akan menjual Komoditi yang sama kepada pihak ketiga pada dasar tunai (**Musawamah**).
- 2.4 **Wakalah** adalah suatu kontrak agensi.
- 2.5 **Musawamah** adalah kontrak jualan tanpa mendedahkan harga kos aset dan margin keuntungan kepada pembeli.

3. Deposit Tetap Islam

3.1 Transaksi Komoditi *Murabahah* dalam Deposit Tetap Islam

- (i) Selepas Bank menerima penempatan atau pembaharuan (yang mana berkenaan) untuk Deposit Tetap Islam, Bank dilantik sebagai agen anda di mana Bank diberi kuasa untuk mengambil segala tindakan berkenaan dengan pembelian Komoditi pada harga belian yang akan dipersetujui bersama antara anda dan Bank (“Harga Komoditi”).
- (ii) Selepas itu, Bank akan membeli Komoditi tersebut daripada anda pada Harga Komoditi ditambah keuntungan (“Harga Jualan *Murabahah*”) pada dasar pembayaran tertunda.
- (iii) Pilihan bagi pembayaran keuntungan mungkin dilakukan secara pendahuluan tunai atau apabila matang pada dasar bulanan, suku tahunan, separuh tahunan atau tahunan.
- (iv) Pembayaran pendahuluan tunai daripada Bank akan dianggap sebagai deposit sekuriti (“*Hamish Jiddiyah*”) yang melengkapkan perdagangan komoditi bagi pihak anda:
 - (a) Deposit sekuriti boleh dianggap sebagai sebahagian daripada bayaran Harga Jualan *Murabahah* yang dipersetujui apabila memasuki transaksi jual beli seperti yang dinyatakan dalam Klausa 3.1(i) dan (ii) di atas; dan
 - (b) Deposit sekuriti akan dikembalikan sepenuhnya kepada Bank jika ia tidak dianggap sebagai sebahagian daripada pembayaran Harga Jualan *Murabahah*.
- (v) Setiap pihak mengakui bahawa Komoditi tersebut boleh dihantar secara fizikal. Sebarang permintaan untuk penghantaran Komoditi secara fizikal perlu dilakukan secara bertulis kepada Bank di mana semua kos yang terlibat dalam penghantaran Komoditi secara fizikal, termasuk kos penghantaran, kos penyimpanan dan takaful/insurans, akan ditanggung oleh anda.
- (vi) Tempoh Deposit Tetap Islam adalah untuk tempoh yang dipersetujui bersama antara anda dan Bank.

3.2 Pelantikan sebagai Agen

- (a) Tertakluk kepada persetujuan bersama berkenaan Komoditi, kadar keuntungan, dan tarikh matang, pada setiap penempatan atau pembaharuan (yang mana berkenaan) Deposit Tetap Islam, Bank dilantik sebagai agen yang diberi kuasa untuk melakukan yang berikut:
 - (i) untuk membeli Komoditi secara tunai (“Transaksi Pembelian”) bagi pihak anda pada Harga Komoditi dan untuk menerima pemilikan bermanfaat bagi Komoditi; dan
 - (ii) berikutan Transaksi Pembelian dan dalam keupayaan dua agensi, anda memberi kuasa kepada kami untuk menjual Komoditi bagi pihak anda atas pembayaran tertunda kepada kami pada Harga Jualan *Murabahah* (“Transaksi Jualan”).(‘Transaksi Pembelian’ dan Transaksi Jualan’ akan dirujuk sebagai “Transaksi Komoditi *Murabahah*” selepas ini)
- (b) Pelantikan kami dihadkan kepada bertindak selaku agen anda sahaja dalam Transaksi Komoditi *Murabahah* dan tidak akan termasuk, atau dianggap termasuk, sebarang kewajipan tambahan untuk, atau sebagai mempunyai hubungan istimewa dengan anda selain yang disediakan dalam Terma dan Syarat ini.

3.3 Bank boleh memasuki setiap transaksi atas nama anda pada dasar pendedahan sepenuhnya. Dalam melaksanakan kewajipan dan aktiviti kami dalam Transaksi Komoditi *Murabahah*, kami akan mempertimbangkan kepentingan terbaik anda dan akan bertindak dengan niat baik.

4. Penempatan Deposit Tetap Islam

4.1 Jumlah minimum yang diperlukan untuk setiap deposit ke dalam Akaun Deposit Tetap Islam ialah RM5,000 untuk tempoh minimum satu (1) bulan dan RM1,000 untuk tempoh dua (2)

bulan hingga enam puluh (60) bulan atau jumlah dan tempoh lain sedemikian yang ditentukan oleh kami dari semasa ke semasa.

- 4.2 Setiap deposit akan ditempatkan pada kadar keuntungan yang dinyatakan oleh kami dan dipersetujui bersama.
- 4.3 Apabila anda melakukan deposit:-
- (a) deposit tersebut mesti ditempatkan mengikut cara atau kaedah sedemikian yang kami tentukan dari semasa ke semasa, sama ada melalui kaunter di cawangan atau melalui penggunaan sebarang perkhidmatan yang mungkin disediakan oleh kami dari semasa ke semasa;
 - (b) kami boleh (tetapi tidak diwajibkan untuk) memberikan kredit serta-merta untuk cek, draf dan semua instrumen lain yang didepositkan ke dalam Akaun Deposit Tetap Islam;
 - (c) walaupun dengan apa-apa yang dinyatakan di atas, apabila anda mengarahkan Bank untuk memasuki Transaksi Pembelian dan anda gagal melaksanakan pembayaran Harga Komoditi pada tarikh pembelian yang berkenaan, anda akan menanggung semua kerugian sebenar dan melindungi Bank seperti yang dinyatakan dalam Klausa 30 di bawah;
 - (d) sebelum menyelesaikan Transaksi Komoditi *Murabahah*, anda bersetuju bahawa deposit akan dipegang pada dasar pinjaman (*Qard*) kepada Bank disebabkan oleh keperluan dan syarat-syarat yang tidak dapat dielakkan.
- 4.4 Jumlah yang dimasukkan ke dalam Akaun Deposit Tetap Islam tidak boleh dipindah milik atau diserahkan hak dan tidak boleh dijamin atau dicagarkan sebagai sekuriti kepada mana-mana pihak lain kecuali yang sama diambil untuk memastikan pembiayaan Islam Bank sahaja.
- 4.5 Pengakuan Deposit Tetap Islam akan diberikan kepada anda untuk setiap deposit yang dimasukkan. Pengakuan Deposit Tetap Islam ini merupakan pengesahan penempatan sesuatu deposit ke dalam Akaun Deposit Tetap Islam dan bukan suatu dokumen hak milik.
- 4.6 Pengeluaran Pengakuan Deposit Tetap Islam yang asal tidak membuktikan bahawa Deposit Tetap Islam masih wujud, dan dengan sendirinya tidak boleh dianggap sebagai bukti yang mencukupi untuk membantah apa-apa rekod dalam sistem kami dan rekod sedemikian dalam sistem kami akan dianggap muktamad.
- 4.7 Jika deposit dilakukan melalui cek atau instrumen bukan tunai yang lain, tarikh nilai akan bermula hanya selepas penerimaan hasil sebenar daripada bank penyuruh bayar. Jika cek tersebut tidak laku, kami berhak untuk membatalkan penempatan tersebut dan Pengakuan Deposit Tetap Islam akan dibatalkan dengan serta-merta. Sebarang cek atau instrumen bukan tunai lain yang tidak laku boleh dikembalikan kepada anda melalui pos ke alamat terakhir yang diketahui kami pada risiko dan perbelanjaan anda sendiri.
- 4.8 Berhubung dengan pemindahan dana (termasuk pemindahan bertelegraf) untuk dikreditkan ke dalam Akaun Deposit Tetap Islam, tarikh nilai akan bermula hanya selepas penerimaan dana sebenar oleh kami.

5. Pengeluaran

- 5.1 Deposit dalam Akaun Deposit Tetap Islam tidak boleh dikeluarkan sebelum tarikh matangnya. Walau bagaimanapun, jika dan apabila kami bersetuju dengan permintaan anda, kami mungkin membenarkan pengeluaran (penuh atau separa) sebelum tarikh matang tertakluk kepada anda memberikan Rebat (*Ibra'*) kepada kami.
- 5.2 Anda bersetuju dan mengakui akan menyetepikan hak anda untuk menuntut Harga Jualan *Murabahah* yang penuh dan memberikan Rebat (*Ibra'*) kepada kami menurut Klausa 6.3 di

bawah dalam apa-apa pengeluaran pramatang.

- 5.3 Pemegang Akaun Bukan Individu tidak dibenarkan untuk melakukan pengeluaran separa daripada Deposit Tetap Islam.
- 5.4 Pemegang Akaun yang merupakan seorang individu boleh melakukan pengeluaran separa untuk jumlah yang bersamaan dengan gandaan RM1,000 atau apa-apa jumlah lain sedemikian yang akan ditentukan, tertakluk kepada Klausula 5.1 dan Klausula 5.8.
- 5.5 Sebarang pengeluaran daripada Akaun Deposit Tetap Islam akan dilaksanakan oleh anda sendiri di Cawangan di mana Deposit Tetap Islam ditempatkan atau mana-mana cawangan lain tertakluk kepada pengesahan selanjutnya.
- 5.6 Sebarang arahan yang berhubung dengan pengeluaran daripada Akaun Deposit Tetap Islam mesti mempunyai tandatangan Pemegang Akaun, atau jika Pemegang Akaun bukan seorang individu, maka daripada Penandatanganan yang Dibenarkannya, atau melalui cara elektronik sedemikian yang kami mungkin tentukan. Apa-apa bayaran yang dilakukan oleh kami menurut sebarang arahan yang dikatakan telah ditandatangani oleh Pemegang Akaun atau Penandatanganan yang Dibenarkan Pemegang Akaun yang bukan seorang individu, atau melalui cara elektronik sedemikian akan dianggap sebagai telah dilakukan sewajarnya menurut arahan Pemegang Akaun dan kami akan dilepaskan dan dibebaskan daripada sebarang liabiliti kepada Pemegang Akaun atau kepada mana-mana pihak lain berkenaan arahan sedemikian.
- 5.7 Bagi Pemegang Akaun bukan individu yang mengekalkan Akaun Deposit Tetap Islam, sebarang hasil yang dikeluarkan daripada Akaun Deposit Tetap Islam akan dikreditkan ke dalam mana-mana akaun lain yang dikekalkan oleh Pemegang Akaun dengan kami atau sebagai gantinya, dibayar oleh kami kepada Pemegang Akaun melalui Perintah Juruwang atau dengan cara lain sedemikian yang dipersetujui bersama.
- 5.8 Kami mungkin memerlukan kad pengenalan atau pasport (atau apa-apa cara pengenalan lain yang boleh diterima oleh kami) daripada Pemegang Akaun atau jika Pemegang Akaun bukan seorang individu, maka daripada Penandatanganan yang Dibenarkannya, untuk sebarang pengeluaran daripada Akaun Deposit Tetap Islam.

6. Kadar Keuntungan/Bayaran Keuntungan

6.1 Kadar Keuntungan:

- (a) Keuntungan ke atas Deposit Tetap Islam dibayar mengikut kadar semasa yang dipersetujui bersama. Kadar semasa boleh didapati di cawangan atau melalui laman web kami di www.uob.com.my. Sekiranya terdapat sebarang perubahan dalam kadar keuntungan, pemberitahuan mengenai perubahan sedemikian akan dianggap telah mendapat perhatian anda apabila ia dipaparkan di cawangan kami atau dihantar kepada anda ke alamat terakhir yang didaftarkan dengan kami atau melalui iklan menurut apa-apa kaedah yang kami mungkin anggap sesuai.
- (b) Pengiraan keuntungan ke atas mana-mana Deposit Tetap Islam adalah berdasarkan bilangan hari sebenar ia didepositkan dalam Akaun Deposit Tetap Islam dengan syarat ia telah didepositkan untuk tempoh penempatan penuh, termasuk tarikh penempatan (tertakluk kepada tarikh nilai) tetapi tidak termasuk tarikh matangnya.
- (c) Formula untuk pengiraan keuntungan adalah seperti berikut:

$$\frac{\text{Jumlah Prinsipal} \times \text{Kadar Keuntungan} \times \text{Bilangan Hari}}{365}$$

6.2 Tertakluk kepada terma yang dipersetujui bersama:

- (a) Keuntungan akan dibayar pada tarikh matang masing-masing untuk penempatan deposit sehingga dua belas (12) bulan.

- (b) Keuntungan akan dibayar secara bulanan, suku tahunan, separuh tahunan atau tahunan bagi penempatan deposit yang melebihi dua belas (12) bulan sehingga enam puluh (60) bulan di mana tempoh baki hingga tarikh matang adalah kurang dari enam (6) bulan, keuntungan bagi tempoh baki tersebut akan dibayar pada tarikh matang terakhir tersebut.
- (c) Kami akan, selepas menerima Arahan anda, membayar keuntungan sama ada kepada mana-mana akaun semasa atau akaun simpanan yang dipilih anda yang dikekalkan dengan kami, atau dalam hal pembaharuan, menambahkan keuntungan ke dalam Deposit Tetap Islam.

6.3 Pengeluaran pramatang: Jika anda melakukan pengeluaran penuh atau separa daripada Deposit Tetap Islam sebelum tarikh matang menurut Klausu 5.1 di atas, anda bersetuju untuk memberi Rebat (*Ibra'*) yang penuh kepada kami dengan mengetepikan hak anda untuk menuntut bahagian keuntungan yang perlu dibayar ke atas Harga Jualan *Murabahah*. Oleh yang demikian, keuntungan tidak akan dibayar kepada anda.

7. Pembaharuan Deposit Tetap Islam

- 7.1 Anda bersetuju bahawa Deposit Tetap Islam boleh diperbaharui pada tarikh matangnya pada kadar keuntungan lazim sewaktu pembaharuan melainkan jika kami menerima arahan bertulis daripada anda sebelum tarikh matang.
- 7.2 Pembaharuan boleh dilakukan sama ada pada keseluruhan Harga Jualan *Murabahah* atau apa-apa jumlah lain menurut Arahan anda. Setiap pembaharuan adalah tertakluk kepada Transaksi Komoditi *Murabahah* yang baru dan pelantikan agensi menurut Klausu 3.2.

8. Penyata dan Pengesahan

- 8.1 Kami mungkin menghantar Penyata Akaun atau makluman pengesahan kepada anda melalui pos biasa setiap suku tahun atau pada selang masa sedemikian yang kami anggap sesuai. Jika tidak ada transaksi dalam Akaun Deposit Tetap Islam atau jika anda telah berjaya mendaftar untuk perkhidmatan ePenyata kami, tiada penyata akan dihantar kepada anda. Jika anda telah berjaya mendaftar untuk perkhidmatan ePenyata kami, salinan cetak Penyata Akaun mungkin masih lagi dihantar kepada anda atas permintaan anda tertakluk kepada pembayaran caj lazim kepada kami.
- 8.2 Apabila Akaun Deposit Tetap Islam dipegang bersama oleh lebih daripada seorang Pemegang Akaun, kami akan menghantar hanya satu Penyata Akaun ke alamat surat-menyurat yang dinyatakan oleh Pemegang Akaun secara bertulis menurut mandat yang dikuatkuasakan pada waktu tersebut berkenaan dengan pengendalian Akaun Deposit Tetap Islam.
- 8.3 Anda bertanggungjawab untuk:-
 - (a) memeriksa semua butiran dalam makluman pengesahan, Penyata Akaun dan/atau ePenyata, yang mana berkenaan;
 - (b) memaklumkan kami secara bertulis dengan segera jika terdapat apa-apa kesilapan, peninggalan atau ketidaktepatan dalam makluman pengesahan dalam tempoh lima belas (15) Hari dari tarikh makluman pengesahan, Penyata Akaun atau ePenyata, yang mana berkenaan;
 - (c) menandatangani dan mengembalikan sebarang makluman pengesahan, termasuk yang berhubung dengan tujuan audit (jika diminta berbuat demikian);
 - (d) memaklumkan kami secara bertulis dengan segera jika anda tidak menerima Penyata Akaun atau ePenyata dalam tempoh lima belas (15) Hari dari tarikh penerimaan yang dijangka; dan

- (e) memantau semua baki anda setiap masa dan melaporkan kepada kami apabila anda mendapati apa-apa transaksi yang tidak dibenarkan.

8.4 Jika kami tidak menerima sebarang pemberitahuan bertulis di bawah Klausa 8.3(b) dalam tempoh yang dinyatakan di atas, anda secara muktamadnya akan dianggap telah: -

- (a) menerima, dan akan diikat oleh kesahan, kebenaran dan ketepatan transaksi/kemasukan dalam makluman pengesahan dan Penyata Akaun serta baki yang dinyatakan dalam Penyata Akaun; dan
- (b) memeterai atau mengesahkan setiap satu dan semua transaksi yang diwakili oleh kemasukan yang dinyatakan dalam Penyata Akaun.

Kemasukan dalam makluman pengesahan dan Penyata Akaun akan dianggap sebagai bukti muktamad Arahan anda kepada kami untuk melaksanakan transaksi yang dinyatakan dalam makluman pengesahan dan Penyata Akaun. Anda tidak akan mempunyai apa-apa tuntutan terhadap kami yang timbul daripada, berhubung dengan atau diakibatkan oleh sebarang transaksi yang dirujuk dalam makluman pengesahan dan Penyata Akaun.

8.5 Pembalikan: Kami berhak untuk menyesuaikan, membalikkan, membatalkan sebarang kemasukan ke dalam Penyata Akaun atau mendebitkan Akaun Deposit Tetap Islam pada bila-bila masa jika kami:-

- (a) perlu membetulkan apa-apa kesilapan atau peninggalan;
- (b) perlu mengembalikan dana yang telah salah dikreditkan ke dalam Akaun Deposit Tetap Islam; atau
- (c) kami belum menerima dana yang dijelaskan atau tanpa syarat dengan sepenuhnya atau tepat pada masanya,

Sebarang kemasukan dalam Penyata Akaun yang diperbetulkan sedemikian akan mengikat anda.

8.6 Sebarang permintaan untuk Penyata Akaun atau makluman tambahan mesti dilakukan secara bertulis kepada kami dan ia akan tertakluk kepada caj sedemikian yang kami anggap sesuai untuk permintaan yang dilakukan tersebut.

9. Mandat/Arahan

9.1 Mandat pengendalian untuk mengendalikan atau menggunakan Akaun Deposit Tetap Islam:-

- (a) jika dipegang oleh seorang individu, anda mesti memberikan kami maklumat anda seperti yang diminta oleh kami;
- (b) jika dipegang bersama oleh beberapa orang individu atau rakan kongsi dalam perkongsian, anda mesti memberikan kami mandat pengendalian dan maklumat berhubung dengan Pemegang Akaun atau rakan kongsi dan/atau Penandatanganan yang Dibenarkan (yang mana berkenaan) seperti yang diminta oleh kami; atau
- (c) jika dipegang oleh sesuatu pertubuhan, persatuan, organisasi atau syarikat, anda mesti memberikan kami resolusi yang diluluskan selaras dengan perlembagaan atau surat kebenaran anda yang dilaksanakan oleh seorang yang diberi kuasa oleh perlembagaan anda untuk menamakan dan melantik Penandatanganan yang Dibenarkan anda (yang mana berkenaan) dan maklumat berhubung dengan Penandatanganan yang Dibenarkan seperti yang diminta oleh kami.

9.2 Kami akan bertindak mengikut arahan bertulis anda yang ditandatangani mengikut mandat pengendalian Akaun Deposit Tetap Islam.

9.3 Perubahan dalam mandat pengendalian:-

- (a) anda mesti memaklumkan kami dengan serta-merta secara bertulis mengenai

sebarang perubahan atau pindaan dalam mandat pengendalian (termasuk tetapi tidak terhad kepada perubahan alamat, nombor telefon, status kediaman, perlembagaan perusahaan perniagaan dan nama akaun anda), Penandatanganan yang Dibenarkan, cara yang dibenarkan untuk menandatangani atau jika anda ingin mengubah tandatangan anda atau tandatangan Penandatanganan yang Dibenarkan anda;

- (b) kami berhak mendapat tempoh masa yang berpatutan (tidak kurang dari tujuh (7) Hari Perniagaan dari tarikh penerimaan pemakluman sedemikian) untuk memproses perubahan atau pindaan sedemikian. Kami mungkin pada budi bicara mutlak kami bertindak atas sebarang arahan yang ditandatangani oleh anda atau Penandatanganan yang Dibenarkan anda sebelum kami memproses perubahan atau pindaan sedemikian.

9.4 Arahan:-

- (a) Semua arahan yang diberi oleh anda atau Penandatanganan yang Dibenarkan anda adalah muktamad dan akan mengikat anda.
- (b) Kami berhak untuk menolak penerimaan atau pelaksanaan sebarang Arahan, sama ada untuk pengeluaran atau apa-apa transaksi lain atau apa-apa perkara yang berhubung dengan Akaun Deposit Tetap Islam, jika:-
 - (i) kami tidak dapat mengesahkan identiti anda atau identiti Penandatanganan yang Dibenarkan anda mengikut kepuasan kami;
 - (ii) kami mempunyai sebarang keraguan mengenai kesahihan, kejelasan atau kesempurnaan Arahan;
 - (iii) bentuk atau kandungan Arahan sedemikian tidak sejajar dengan syarat atau polisi atau amalan yang kami tentukan dari semasa ke semasa;
 - (iv) Arahan tidak sejajar dengan mandat yang sedang dikuatkuasakan pada masa tersebut berhubung dengan pengendalian Akaun Deposit Tetap Islam sedemikian;
 - (v) kami yakin atau mengesyaki bahawa arahan tersebut tidak dibenarkan, melibatkan penipuan atau dipalsukan;
 - (vi) tandatangan pada arahan adalah berbeza daripada tandatangan contoh dalam rekod kami;
 - (vii) suatu Peristiwa Keingkaran telah berlaku atau sedang berlaku; atau
 - (viii) kami anggap sesuai dalam keadaan tersebut;

dan kami tidak akan bertanggungjawab kepada anda untuk sebarang kerugian, liabiliti atau perbelanjaan yang timbul daripada penolakan atau keengganan kami untuk bertindak.

9.5 Kami mungkin bertindak atas sebarang arahan yang kami percaya telah diberikan oleh anda atau Penandatanganan yang Dibenarkan anda dengan niat baik, tanpa pertanyaan mengenai:-

- (a) identiti atau kebenaran individu yang memberi atau dikatakan telah memberi Arahan sedemikian; atau
- (b) kesahihannya, atau walaupun jika:-
 - (i) Arahan sedemikian mungkin bercanggah dengan Arahan lain yang diberikan oleh anda kepada kami; atau
 - (ii) sebarang kesilapan, salah faham, penipuan, pemalsuan atau kurang kejelasan dalam terma Arahan sedemikian.

9.6 Jika anda merupakan seorang Pemegang Akaun individu tunggal, pada kematian, kurang kemampuan mental atau kebankrapan anda, kami mungkin pada budi bicara mutlak kami menggantung Akaun Deposit Tetap Islam tanpa bertanggungjawab kepada anda sehingga kami menerima bukti pada kepuasan kami mengenai individu(-individu) yang mempunyai kuasa undang-undang untuk mengendalikan Akaun Deposit Tetap Islam.

- 9.7 Jika anda merupakan Pemegang Akaun bukan individu, kami mungkin pada budi bicara mutlak kami enggan menerima atau bertindak ke atas arahan yang diberikan oleh mana-mana Penandatanganan yang Dibenarkan anda yang telah dihukum bankrap tanpa bertanggungjawab kepada anda.
- 9.8 Apa-apa Arahan yang diterima selepas kami menerima notis kematian anda atau kematian mana-mana Penandatanganan yang Dibenarkan anda tidak akan dilaksanakan, tanpa mengambil kira tarikh arahan.
- 9.9 Jika kami menerima Arahan berlainan daripada seorang Penandatanganan yang Dibenarkan sebelum kami bertindak atas arahan yang diterima daripada Penandatanganan yang Dibenarkan yang lain, kami akan bertindak dengan serta-merta hanya selepas mendapat mandat daripada semua Pemegang Akaun (jika Pemegang Akaun adalah seorang individu) atau semua Penandatanganan yang Dibenarkan (jika anda adalah sebuah perkongsian, pertubuhan, persatuan, organisasi atau syarikat) berhubung dengan Akaun Deposit Tetap Islam.
- 9.10 Anda memberi kuasa kepada kami untuk bertindak atas apa-apa Arahan yang diberikan kepada kami secara bertulis yang ditandatangani dan dihantar melalui pos atau faksimili (atau yang dikatakan telah ditandatangani dan dihantar) oleh Penandatanganan yang Dibenarkan. Anda menyedari dan mengakui serta menerima risiko salah faham dan kesilapan dalam Arahan yang diberikan oleh Penandatanganan yang Dibenarkan dalam cara sedemikian dan kami tidak akan bertanggungjawab ke atas sebarang kerugian, liabiliti atau perbelanjaan yang mungkin disebabkan oleh salah faham, kesilapan dan arahan yang tidak dibenarkan sedemikian.
- 9.11 Kami boleh mengambil keputusan, pada budi bicara mutlak kami, untuk tidak bertindak atau menerima Arahan yang diberikan secara bertulis tanpa memberikan apa-apa sebab dan anda bersetuju bahawa kami tidak akan bertanggungjawab ke atas sebarang kerugian, liabiliti atau perbelanjaan yang dialami oleh anda disebabkan oleh keengganan atau kegagalan kami untuk bertindak ke atas Arahan sedemikian.
- 9.12 Kami tidak akan bertanggungjawab kepada anda untuk sebarang kerugian, liabiliti atau perbelanjaan yang mungkin disebabkan oleh:-
- (a) apa-apa salah faham, kesilapan, perubahan atau arahan yang tidak dibenarkan, penipuan, pemalsuan, kegagalan operasi atau kegagalan dalam penghantaran Arahan anda;
 - (b) apa-apa salah faham, kesilapan atau Arahan yang tidak dibenarkan; atau
 - (c) apa-apa kelewatan di pihak kami untuk bertindak ke atas sebarang Arahan.
- 9.13 Setakat yang dibenarkan undang-undang, anda bersetuju untuk melindungi kami dan untuk kekal melindungi kami sepenuhnya pada setiap masa terhadap sebarang tuntutan, permintaan, tindakan, prosiding, kerugian dan perbelanjaan (termasuk kos guaman pada dasar indemniti penuh) yang timbul dalam apa-apa cara sekalipun daripada tindakan kami atas Arahan anda sebelum ini, atau keengganan kami untuk bertindak atas Arahan tersebut atau sebahagian daripadanya, sebagaimana yang kami anggap sesuai.
- 9.14 Anda mengakui bahawa kami boleh melaksanakan apa-apa prosedur dan ciri-ciri keselamatan yang kami anggap sesuai dan/atau diperlukan dari semasa ke semasa untuk mengesahkan identiti anda dan/atau identiti Penandatanganan yang Dibenarkan anda dan bahawa transaksi tersebut telah dibenarkan oleh anda dan/atau Penandatanganan yang Dibenarkan anda. Tanpa menjejaskan perkara di atas, kami mungkin memerlukan pengesahan untuk sebarang Arahan daripada anda atau Penandatanganan yang Dibenarkan anda dalam apa-apa bentuk atau cara yang kami anggap sesuai.

10. Pemegang Akaun Bersama (untuk Pemegang Akaun individu)

- 10.1 Jika Akaun Deposit Tetap Islam dibuka atau dikekalkan dalam nama lebih daripada seorang:-
- (a) setiap Pemegang Akaun akan diikat secara bersama dan berasingan oleh Terma dan

- Syarat ini (termasuk sebarang pindaan dari semasa ke semasa);
- (b) kami akan bertindak atas Arahan anda menurut mandat bertulis yang anda berikan kepada kami dan setiap Pemegang Akaun akan bertanggungjawab secara bersama dan berasingan untuk semua transaksi yang timbul daripada Arahan sedemikian;
 - (c) jika kami menerima Arahan berlainan daripada seorang Pemegang Akaun sebelum kami bertindak atas Arahan yang diterima daripada Pemegang Akaun yang lain, kami boleh menolak untuk bertindak dan memerlukan mandat daripada semua Pemegang Akaun bersama dan kami tidak akan bertanggungjawab untuk sebarang kerugian akibat keengganan untuk bertindak sedemikian; dan
 - (d) cek yang perlu dibayar kepada mana-mana daripada anda boleh didepositkan ke dalam Akaun Deposit Tetap Islam; dan
 - (e) kami berhak untuk mendebitkan Akaun Deposit Tetap Islam pada bila-bila masa berhubung dengan apa-apa jumlah wang yang bagaimana sekalipun perlu dibayar atau terhutang kepada kami oleh mana-mana Pemegang Akaun di mana nama Akaun Deposit Tetap Islam telah dibuka atau dikekalkan, tanpa mengira sama ada Deposit Tetap Islam tersebut telah matang atau sebaliknya.

Tiada seorang pun daripada Pemegang Akaun akan dilepaskan, dan tanggungjawab beliau tidak akan terjejas oleh sebarang pelepasan, pembebasan, masa, kepuasan, konsesi, penepian atau persetujuan pada bila-bila masa yang diberikan atau dilaksanakan berhubung dengan mana-mana satu atau lebih daripada satu Pemegang Akaun lain.

10.2 Pada kematian mana-mana Pemegang Akaun bersama:-

- (a) kami boleh, pada budi bicara mutlak kami, menggantung Akaun Deposit Tetap Islam tanpa bertanggungjawab kepada setiap Pemegang Akaun; dan
- (b) kami dibenarkan untuk memegang Deposit Tetap Islam dalam Akaun Deposit Tetap Islam mengikut arahan Pemegang Akaun yang masih hidup tanpa menjejaskan sebarang hak yang kami mungkin ada berkenaan wang sedemikian yang timbul daripada, antara lain, sebarang lien, caj, cagaran, tolak selesai atau apa-apa tuntutan atau tuntutan balas lain yang sebenar atau luar jangka. Sebarang tindakan yang diambil oleh kami mengikut sebarang arahan yang diberikan oleh Pemegang Akaun yang masih hidup menurut Klausula 10.3 di bawah akan mengikat setiap Pemegang Akaun serta wakil peribadi mereka masing-masing.

10.3 Pemegang Akaun yang masih hidup boleh mengeluarkan Deposit Tetap Islam dan mengarahkan kami untuk melepaskan wang dalam Akaun Deposit Tetap Islam kepada Pemegang Akaun yang masih hidup dan selepas kami bertindak mengikut arahan Pemegang Akaun yang masih hidup di atas, ia akan merupakan pelepasan yang sah dan lengkap bagi kewajipan kami berhubung dengan Akaun Deposit Tetap Islam.

10.4 Doktrin kemandirian akan digunakan bagi mana-mana Akaun Deposit Tetap Islam yang dibuka atas nama bersama yang lebih daripada seorang.

10.5 Di mana Akaun Deposit Tetap Islam dibuka secara bersama dengan seorang di bawah umur lapan belas (18) tahun oleh ibu atau bapa anak tersebut, ibu atau bapa akan menjadi Pemegang Akaun utama. Jika Pemegang Akaun utama meninggal dunia sebelum anak tersebut mencapai umur lapan belas (18) tahun, Akaun Deposit Tetap Islam akan dibekukan dan perkara yang berkaitan dengan Akaun Deposit Tetap Islam akan dirujuk kepada wakil peribadi harta pusaka Pemegang Akaun utama.

10.6 Jika mana-mana Pemegang Akaun bersama menjadi bankrap atau kurang kemampuan, kami boleh, pada budi bicara mutlak kami menggantung Akaun Deposit Tetap Islam tanpa bertanggungjawab kepada anda sehingga kami menerima bukti pada kepuasan kami mengenai individu(-individu) yang mempunyai kuasa undang-undang untuk mengendalikan Akaun Deposit Tetap Islam tersebut.

10.7 Kami hanya akan menghantar satu notis atau komunikasi kepada alamat surat-menyurat yang dinyatakan oleh Pemegang Akaun secara bertulis selaras dengan mandat yang sedang dikuatkuasakan berkenaan Akaun Deposit Tetap Islam, dan notis atau komunikasi tersebut akan dianggap telah dihantar kepada semua Pemegang Akaun.

11. Puruntukan untuk Pemilikan Tunggal/Perkongsian/Pertubuhan/ /Organisasi/Syarikat (untuk Pemegang Akaun bukan individu)

- 11.1 Untuk pemilikan tunggal, individu yang merupakan pemilik tunggal adalah bertanggungjawab ke atas semua hutang dan liabiliti lain yang anda hutang kepada kami walaupun terdapat sebarang perubahan dalam pembentukan pemilikan tunggal tersebut, anda melakukan perubahan nama atau pemilikan tunggal tersebut tidak lagi wujud.
- 11.2 Untuk perkongsian (didaftarkan di bawah Akta Perkongsian 1961), semua rakan kongsi (pada dasar bersama dan berasingan) akan diikat oleh Terma dan Syarat ini, dan bertanggungjawab ke atas semua hutang dan liabiliti lain yang terhutang oleh anda kepada kami walaupun terdapat sebarang perubahan dalam perkongsian anda (termasuk tetapi tidak terhad kepada kematian, peletakan jawatan, penggantian, penambahan, kebangkrapan atau sebaliknya untuk seorang rakan kongsi), anda melaksanakan perubahan nama atau telah dibubarkan. Kami boleh, jika tidak terdapat notis bertulis untuk sebaliknya, menganggap bahawa rakan kongsi yang masih ada atau yang baru sebagai mempunyai kuasa penuh untuk menjalankan urusan perkongsian dan untuk berurusan dengan Akaun Deposit Tetap Islam seolah-olah tidak terdapat sebarang perubahan dalam perlembagaan perkongsian.
- 11.3 Untuk perkongsian (didaftarkan di bawah Akta Perkongsian Liabiliti Terhad 2012), jika terdapat apa-apa perubahan dalam perkongsian (termasuk tetapi tidak terhad kepada kematian, peletakan jawatan, penggantian, penambahan, kebangkrapan atau sebaliknya untuk seorang rakan kongsi), anda melaksanakan perubahan nama atau telah dibubarkan, kami boleh, jika tidak terdapat notis bertulis untuk sebaliknya, menganggap bahawa rakan kongsi yang masih ada atau yang baru sebagai mempunyai kuasa penuh untuk menjalankan urusan perkongsian dan untuk berurusan dengan Akaun Deposit Tetap Islam seolah-olah tiada sebarang perubahan dalam perlembagaan perkongsian.
- 11.4 Untuk pertubuhan, persatuan, organisasi atau syarikat, apa-apa perubahan dalam perlembagaan anda melalui penggabungan, penyatuan atau sebaliknya tidak akan menjejaskan atau menentukan liabiliti anda di bawah Akaun Deposit Tetap Islam.
- 11.5 Anda perlu memaklumkan kami dengan segera secara bertulis mengenai sebarang perubahan dalam perlembagaan atau nama pemilikan tunggal, perkongsian, pertubuhan, persatuan, organisasi atau syarikat.
- 11.6 Jika anda merupakan perkongsian (yang didaftarkan di bawah Akta Perkongsian 1961), pada kematian mana-mana rakan kongsi, kita boleh pada budi bicara mutlak kami dan pada bila-bila masa yang kami anggap sesuai, memutuskan bahawa hak untuk Akaun Deposit Tetap Islam akan berpindah kepada rakan kongsi yang masih hidup dan pemindahan sedemikian adalah tertakluk kepada sebarang hak yang kami mungkin miliki yang timbul daripada, antara lain, sebarang lien, caj, cagaran, tolak selesai atau apa-apa tuntutan atau tuntutan balas lain yang sebenar atau luar jangka. Kami juga boleh pada budi bicara mutlak kami menggantung Akaun Deposit Tetap Islam berikutan kematian, kebangkrapan atau ketaksiuman mana-mana rakan kongsi.
- 11.7 Jika anda merupakan sebuah pertubuhan, persatuan, organisasi, syarikat atau perkongsian (didaftarkan di bawah Akta Perkongsian Liabiliti Terhad 2012), pada kematian mana-mana Individu yang Dibenarkan, kami akan diberi kuasa untuk bertindak atas arahan daripada Individu yang Dibenarkan yang masih hidup seperti yang dinyatakan dalam borang permohonan Akaun Deposit Tetap Islam seolah-olah Individu yang Dibenarkan yang meninggal dunia bukan seorang Individu yang Dibenarkan untuk Akaun Deposit Tetap Islam, tertakluk kepada kami menerima sebarang pemberitahuan bertulis terlebih dahulu daripada anda mengenai sebarang perubahan atau pindaan kepada pengendalian Akaun Deposit Tetap Islam.
- 11.8 Pada penyampaian sebarang notis kebangkrapan, petisyen penggulangan atau sebarang notis pembubaran terhadap anda, kami boleh pada budi bicara mutlak kami menggantung Akaun Deposit Tetap Islam dan penggantungan sedemikian adalah tertakluk kepada apa-apa hak

yang kami mungkin miliki yang timbul daripada, antara lain, sebarang lien, caj, cagaran, tolak selesai atau apa-apa tuntutan atau tuntutan balas lain yang sebenar atau luar jangka.

12. Akaun dalam Amanah

- 12.1 Kami tidak bertanggungjawab untuk mengiktiraf mana-mana individu selain daripada anda sebagai mempunyai apa-apa kepentingan dalam Akaun Deposit Tetap Islam. Jika kami membuka Akaun Deposit Tetap Islam dalam nama anda “secara amanah” atau “sebagai penama” atau menggunakan apa-apa penamaan yang bersamaan, anda berjanji untuk mengendalikan Akaun Deposit Tetap Islam semata-mata untuk manfaat penerima sedemikian. Anda akan melindungi kami daripada sebarang kerugian atau liabiliti berhubung dengan pengendalian Akaun Deposit Tetap Islam.

13. Hak untuk Mendebit

- 13.1 Tanpa menjejaskan sebarang hak lain yang kami mungkin miliki di bawah Terma dan Syarat ini atau dari segi undang-undang, kami boleh, pada bila-bila masa, pada budi bicara tunggal kami, dan tanpa memberikan anda apa-apa notis terlebih dahulu, mendebitkan Akaun Deposit Tetap Islam anda atau mana-mana akaun lain (termasuk baki dalam mana-mana akaun overdraf) yang anda mungkin kekalkan dengan kami sama ada secara bersendirian atau dengan mana-mana individu lain dengan apa-apa wang sekalipun yang perlu dibayar oleh anda kepada kami, termasuk tetapi tidak terhad kepada kos, perbelanjaan, pembayaran, cukai, duti atau levi.
- 13.2 Sekiranya sesuatu Peristiwa Keingkaran berlaku, sebarang pendebitan dari akaun anda oleh kami tidak akan dianggap sebagai penepian kepada Peristiwa Keingkaran tersebut.
- 13.3 Jika apa-apa pendebitan dalam mana-mana akaun anda menyebabkan akaun terlebih dikeluarkan, anda juga akan membayar caj pembayaran lewat (mengikut jumlah sedemikian pada kadar yang kami mungkin tentukan dari semasa ke semasa) dengan sewajarnya kepada kami.

14. Perwakilan dan Jaminan

- 14.1 Penerimaan permohonan anda oleh kami bagi pembukaan Akaun Deposit Tetap Islam adalah bergantung kepada perwakilan dan jaminan berikut yang telah dilakukan oleh anda, di mana kesemuanya mesti dipatuhi dalam semua hal penting sepanjang tempoh pengkalan Akaun Deposit Tetap Islam:-
- (a) anda mempunyai kuasa, hak, keupayaan dan kebenaran penuh untuk menerima dan bersetuju dengan Terma dan Syarat ini dan melaksanakan kewajipan di bawah Terma dan Syarat ini;
 - (b) tiada individu lain selain daripada anda mempunyai kepentingan dalam Deposit Tetap Islam dan Akaun Deposit Tetap Islam;
 - (c) anda tidak mewujudkan sebarang lien, caj, cagaran, pemindahan, penyerahan hak atau sebaliknya membebankan Deposit Tetap Islam dalam Akaun Deposit Tetap Islam atau mana-mana akaun anda yang dipegang oleh kami, sama ada secara tunggal atau bersama;
 - (d) bahawa tidak ada tindakan undang-undang (sama ada sivil atau jenayah) timbang tara atau prosiding pentadbiran yang belum selesai, berterusan atau akan dikemukakan terhadap anda;
 - (e) bahawa anda tidak melakukan apa-apa tindakan kebangkrapan dan tiada prosiding kebangkrapan telah dimulakan atau akan dikemukakan terhadap anda;
 - (f) bahawa anda mampu membayar hutang anda apabila tiba masanya dan tiada prosiding penggulungan telah dimulakan atau akan dikemukakan terhadap anda;

- (g) bahawa anda telah memfailkan semua pulangan cukai yang diperlukan oleh undang-undang untuk difailkan dan telah membayar atau menyediakan peruntukan yang mencukupi bagi pembayaran semua cukai, penilaian, fi dan caj kerajaan lain yang telah dinilai terhadap anda atau atas hartanah, aset, perniagaan dan pendapatan anda;
- (h) bahawa tidak ada Peristiwa Keingkaran yang telah berlaku atau masih berterusan;
- (i) bahawa tidak terdapat sebarang perubahan dalam keadaan kewangan anda yang akan menjejaskan secara ketara dan memburukkan keupayaan anda untuk melaksanakan tanggungjawab di bawah Terma dan Syarat ini;
- (j) bahawa semua maklumat yang diberikan oleh anda kepada kami berhubung dengan Akaun Deposit Tetap Islam tidak mengandungi apa-apa kenyataan yang tidak benar atau mengelirukan atau yang meninggalkan sebarang fakta;
- (k) bahawa anda tidak mengetahui dan tidak menyembunyikan sebarang maklumat atau fakta secara sengaja yang mungkin mengakibatkan atau membawa kepada pembukaan Akaun Deposit Tetap Islam, yang menyebabkan kami melanggar sebarang Undang-undang yang Digunakan;
- (l) bahawa anda tidak terlibat dalam apa-apa aktiviti yang menyalahi undang-undang dan semua wang yang diberikan kepada kami tidak diperolehi daripada aktiviti haram dalam apa cara sekalipun;
- (m) bahawa anda bukan:-
 - (i) seorang rakyat mana-mana negara yang tertakluk kepada Sekatan; atau
 - (ii) sebuah entiti yang diperbadankan di bawah undang-undang atau yang dimiliki atau dikawal (secara langsung atau tidak langsung) oleh seorang individu yang berada di dalam atau yang diuruskan di bawah undang-undang sesuatu negara yang tertakluk kepada Sekatan; atau
 - (iii) seorang individu yang disenaraikan dalam sebarang senarai individu tersekat yang diterbitkan oleh mana-mana kerajaan, institusi atau agensi kerajaan, pengawal selia atau pihak berkuasa atau yang disediakan oleh Kumpulan; dan
- (n) kecuali dengan kebenaran bertulis nyata kami, tiada individu telah atau akan mempunyai apa-apa cagaran atau bebanan lain ke atas Akaun Deposit Tetap Islam.

14.2 Perwakilan dan jaminan di atas akan dianggap berulang setiap kali anda memberikan sebarang arahan berhubung dengan Akaun Deposit Tetap Islam.

15. Agen Bank

15.1 Kami mungkin menggunakan perkhidmatan mana-mana bank atau agen di mana-mana lokasi yang dianggap wajar berhubung dengan sebarang pengutipan atau transaksi perbankan lain bagi anda. Bank atau agen sedemikian akan dianggap sebagai agen dan kami tidak dalam apa-apa keadaan, akan bertanggungjawab atau dipertanggungjawabkan oleh anda untuk apa-apa tindakan atau peninggalan oleh mana-mana bank atau agen tersebut, atau untuk sebab kehilangan, kecurian, kemusnahan atau penghantaran lewat sebarang instrumen ketika dalam transit atau dalam milikan mana-mana bank atau agen sedemikian. Semua caj yang ditanggung oleh kami, termasuk tetapi tidak terhad kepada kos, perbelanjaan, pembayaran, cukai, duti atau levi, adalah untuk Akaun Deposit Tetap Islam anda.

16. Sekatan dan Pencegahan Pengubahan Wang Haram

16.1 Anda mesti menyediakan dan mendedahkan kepada kami dalam tempoh masa yang kami tetapkan, sebarang kenyataan maklumat dan penjelasan berhubung dengan Akaun Deposit Tetap Islam yang kami anggap perlu untuk:-

- (a) mematuhi undang-undang atau Sekatan di Malaysia atau mana-mana negara lain (termasuk tetapi tidak terhad kepada yang berkaitan dengan pencegahan pengubahan wang haram atau pencegahan keganasan); dan/atau
- (b) menguruskan risiko pengubahan wang haram atau risiko pembiayaan keganasan atau risiko ekonomi dan sekatan perdagangan.

- 16.2 Sementara kami menunggu maklumat daripada anda dan sehingga kami mengesahkan maklumat tersebut pada kepuasan kami, kami tidak diwajibkan untuk meneruskan sebarang transaksi atau pembayaran.
- 16.3 Anda mengakui dan berjanji kepada kami bahawa pemprosesan mana-mana transaksi tidak akan melanggar sebarang undang-undang atau Sekatan di Malaysia atau mana-mana negara lain. Kami tidak akan bertanggungjawab terhadap sebarang kerugian yang timbul daripada apa-apa kelewatan atau kegagalan memproses mana-mana transaksi disebabkan oleh maklumat dan dokumentasi tidak mencukupi yang diberikan oleh anda.

17. Penyimpanan Rekod

- 17.1 Anda bersetuju bahawa kami tidak diwajibkan untuk mengekalkan sebarang rekod Akaun Deposit Tetap Islam, termasuk tetapi tidak terhad kepada borang pembukaan akaun, Penyata Akaun, makluman pengesahan, imej cek, surat-menyurat atau dokumen berhubung dengan Akaun Deposit Tetap Islam, melebihi sebarang tempoh pengekalan seperti yang dinyatakan di bawah polisi dalaman, garis panduan dan prosedur kami dan/atau sebagaimana yang diperuntukkan di bawah sebarang Undang-undang yang Digunakan.

18. Cukai, Duti atau Levi

- 18.1 Anda bertanggungjawab untuk membayar sebarang cukai atau levi yang, pada tarikh pembukaan Akaun Deposit Tetap Islam atau pada mana-mana tarikh selepas tarikh pembukaan Akaun Deposit Tetap Islam, diperlukan oleh undang-undang, peraturan, garis panduan, keputusan atau arahan yang dikeluarkan di bawah undang-undang sedemikian (dan akan termasuk apa-apa pindaan yang dilakukan kepada sebarang undang-undang, peraturan, garis panduan, keputusan atau arahan sedemikian) untuk dibayar kepada mana-mana pihak atau pihak berkuasa yang mempunyai bidang kuasa ke atas kami, berhubung dengan apa-apa fi dan caj atau yang ditanggung oleh kami atau perkhidmatan yang disediakan berhubung dengan Akaun Deposit Tetap Islam.
- 18.2 Sebarang cukai atau levi yang ditanggung oleh kami berhubung dengan penggunaan Akaun Deposit Tetap Islam dan apa-apa barangan atau perkhidmatan lain yang disediakan di bawah Akaun Deposit Tetap Islam akan ditanggung dan dikenakan kepada anda dan jika kami melakukan sebarang pembayaran, anda akan bertanggungjawab untuk membayar balik kepada kami jumlah sedemikian yang telah dibayar.

19. Penutupan/Penggantungan Akaun Deposit Tetap Islam

- 19.1 Anda boleh meminta menutup Akaun Deposit Tetap Islam dengan memberikan notis bertulis kepada kami dan menyelesaikan semua jumlah tertunggak (termasuk fi, caj dan apa-apa kos lain) jika ada, kepada kami.
- 19.2 Walaupun dengan apa-apa yang diperuntukkan dalam Klausa 19.1 di atas, kami boleh menarik balik atau menggantung Akaun Deposit Tetap Islam jika:
- (a) sebagaimana yang kami anggap sesuai dengan pemberian notis terlebih dahulu kepada anda;
 - (b) Akaun Deposit Tetap Islam tidak aktif untuk tempoh berterusan selama 12 bulan dan baki di dalam Akaun Deposit Tetap Islam pada tempoh tersebut adalah kurang daripada jumlah minimum yang diperlukan atau ditetapkan oleh kami, dengan memberikan notis bertulis terlebih dahulu kepada anda. Kami akan menandatangani keseluruhan baki dalam Akaun Deposit Tetap Islam sebagai caj perkhidmatan;
 - (c) pada pendapat kami, anda tidak mematuhi sebarang Undang-undang yang Digunakan;
 - (d) pada pendapat kami Akaun Deposit Tetap Islam tidak dikendalikan dengan cara yang wajar dan sepatutnya;
 - (e) anda mengancam untuk melanggar atau anda telah melanggar mana-mana Terma dan Syarat ini atau terma dan/atau syarat lain yang dikenakan ke atas anda atau mana-

- mana perjanjian lain sama ada yang berhubung dengan peminjaman dana atau pemberian pendahuluan atau kredit atau sebaliknya;
- (f) anda memberikan kami maklumat yang tidak benar, tidak tepat, tidak lengkap atau yang mengelirukan;
 - (g) sebarang perwakilan, jaminan atau perjanjian yang dilakukan oleh anda kepada kami telah atau akan menjadi tidak betul atau mengelirukan dari segi material;
 - (h) anda gagal membayar apa-apa wang yang anda perlu bayar kepada kami atau jika anda gagal melaksanakan sebarang kewajipan atau liabiliti yang perlu dijelaskan kepada kami;
 - (i) anda meninggal dunia atau menjadi tidak waras;
 - (j) anda menjadi bankrap atau tak mampu bayar atau membenarkan apa-apa penghakiman untuk diteruskan selama tempoh dua puluh satu (21) hari;
 - (k) anda melakukan apa-apa tindakan kebangkrapan atau tidak dapat membayar hutang anda, atau menggantung hutang anda, atau memasuki apa-apa gabungan atau pengaturan dengan atau bagi manfaat pemiutang anda, mengikut mana yang berkenaan;
 - (l) apa-apa resolusi diluluskan, atau jika sesuatu petisyen dikemukakan terhadap anda:
 - (i) untuk kebangkrapan, pembubaran, penggulungan atau pemansuhan; atau
 - (ii) bagi pelantikan seorang penyelesaian, penerima, pemegang amanah atau pengurus kehakiman;
 - (m) pelaksanaan atau apa-apa bentuk tindakan pemulihan atau penguatkuasaan dikenakan atau diambil terhadap mana-mana aset anda;
 - (n) anda memindahkan atau melupuskan atau bertujuan untuk memindahkan atau melupuskan sebahagian besar aset anda, mengikut mana yang berkenaan;
 - (o) pada pendapat kami, terdapat sebarang perubahan atau perubahan yang mungkin berlaku dalam:-
 - (i) keadaan yang akan menjejaskan dan memburukkan keadaan perniagaan atau kewangan anda atau keupayaan anda secara ketara untuk melaksanakan kewajipan anda di bawah Terma dan Syarat ini; atau
 - (ii) keadaan yang berhubung dengan anda atau mana-mana pengarah atau ahli lembaga pengurusan atau mana-mana pemegang saham langsung atau tidak langsung anda yang boleh, pada pendapat kami, mendedahkan kami kepada risiko kerugian atau reputasi atau tindakan pengawalan mana-mana negara;
 - (iii) status anda sebagai seorang warganegara Malaysia;
 - (iv) status anda sebagai seorang pemastautin atau syarikat kawalan pemastautin; atau
 - (v) pemegang saham, struktur pemegangan saham, pengarah atau pengurusan anda;
 - (p) sesuatu notis atau cadangan untuk pengambilan paksa mana-mana hartanah anda dikeluarkan atau dilakukan di bawah sebarang undang-undang;
 - (q) apa-apa cek anda tidak laku;
 - (r) anda disenarai hitam menurut garis panduan DCHEQS atau mana-mana garis panduan yang dikeluarkan oleh BNM atau mana-mana pihak berkuasa lain yang mempunyai bidang kuasa ke atas kami;
 - (s) jika mana-mana akaun anda dengan kami ditukar atau ditutup oleh kami untuk apa-apa sebab sekalipun;
 - (t) anda gagal melaksanakan sebarang kewajipan atau liabiliti kepada kami atau kepada mana-mana individu lain;
 - (u) anda melakukan keingkaran untuk apa-apa kemudahan pembiayaan atau pengaturan yang sama dengan mana-mana pihak (termasuk kami) yang memberi hak kepada pemiutang berkenaan (termasuk kami) untuk menuntut pembayaran kemudahan pembiayaan atau pengaturan tersebut sebelum tarikh matangnya, untuk menarik balik kemudahan pembiayaan atau pengaturan tersebut, atau untuk menguatkuasakan jaminan bagi kemudahan pembiayaan atau pengaturan tersebut;
 - (v) terdapat keingkaran dalam pembayaran apa-apa wang di bawah akaun mana-mana individu lain yang diberikan jaminan oleh anda;
 - (w) terdapat sebarang tindakan undang-undang (sama ada sivil atau jenayah), timbang tara atau prosiding pentadbiran yang belum selesai, sedang berterusan atau akan dilaksanakan terhadap anda;
 - (x) kami mengesyaki atau mempunyai sebab untuk mempercayai bahawa Akaun Deposit Tetap Islam atau mana-mana bahagian daripadanya digunakan untuk sebarang aktiviti

- haram;
- (y) terdapat apa-apa penyiasatan oleh mana-mana pihak polis atau organisasi polis, badan atau agensi kerajaan, suruhanjaya atau agensi anti rasuah atau pengawal selia (di Malaysia atau sebaliknya) yang belum selesai, sedang berterusan atau akan dilaksanakan terhadap anda;
- (z) anda didakwa atau disabitkan dengan apa-apa kesalahan jenayah atau mempunyai sebarang rekod jenayah;
- (aa) terdapat apa-apa laporan yang diambil terhadap anda di bawah Akta Pencegahan Pengubahan Wang Haram, Pencegahan Pembiayaan Keganasan dan Hasil daripada Aktiviti Haram 2001 (seperti yang dipinda dari semasa ke semasa);
- (bb) lokasi anda tidak diketahui kami;
- (cc) anda menjadi seorang Rakyat AS; atau
- (dd) kami memutuskan pada budi bicara tunggal kami bahawa penerusan Akaun Deposit Tetap Islam mungkin boleh menjejaskan kedudukan kami sendiri; keputusan kami adalah muktamad dan tidak tertakluk kepada pertanyaan daripada anda.

19.3 Apabila mana-mana kejadian dalam Klausula 19.1 dan 19.2 di atas berlaku:-

- (a) kami tidak akan mempunyai apa-apa kewajipan dan/atau komitmen selanjutnya kepada anda berhubung dengan Akaun Deposit Tetap Islam;
- (b) kami boleh (tetapi tidak diwajibkan untuk) menggantung (selama-lamanya atau sebaliknya) atau menutup Akaun Deposit Tetap Islam, atau hubungan kami dengan anda dan semua wang serta keuntungan yang terutang kepada kami pada masa tersebut di bawah Akaun Deposit Tetap Islam adalah dijangka perlu dibayar dengan serta-merta atas tuntutan kami;
- (c) kami boleh menggunakan sebarang wang dalam Akaun Deposit Tetap Islam terhadap apa-apa kerugian yang timbul daripadanya dan/atau jumlah yang anda berhutang kepada kami;
- (d) kami boleh memohon sebarang jumlah kredit dalam mana-mana akaun yang anda kekalkan dengan kami terhadap apa-apa kerugian yang timbul daripadanya dan/atau jumlah yang anda hutang kepada kami; atau
- (e) kami akan berhak untuk melaksanakan sebarang hak atau kuasa:-
 - (i) yang kami mungkin miliki di bawah mana-mana Terma dan Syarat ini; dan
 - (ii) yang mungkin tersedia kepada kami dari segi undang-undang;

tanpa sebarang notis terlebih dahulu kepada anda, kecuali dinyatakan sebaliknya secara nyata.

19.4 Anda tidak boleh menggunakan Akaun Deposit Tetap Islam untuk sebarang aktiviti yang menyalahi undang-undang.

19.5 Kami boleh mengambil segala tindakan yang dianggap sesuai bagi membolehkan kami memenuhi sebarang tanggungjawab atau syarat di Malaysia atau di tempat lain di dunia berhubung dengan pencegahan apa-apa aktiviti haram yang termasuk tetapi tidak terhad kepada penipuan, pengubahan wang haram, aktiviti penganas, rasuah, sogokan atau pengelakan cukai atau penguatkuasaan apa-apa sekatan ekonomi atau perdagangan. Tindakan yang kami boleh ambil termasuk menutup Akaun Deposit Tetap Islam dengan serta-merta, membuat laporan dan mengambil tindakan sedemikian yang kami anggap sesuai.

19.6 Sebarang penutupan atau pembatalan atau penggantungan Akaun Deposit Tetap Islam oleh kami tidak melayakkan anda untuk membuat tuntutan bagi apa-apa pampasan terhadap kami untuk sebarang kerugian atau ganti rugi yang dialami atau ditanggung oleh anda sama ada secara langsung atau tidak langsung akibat daripada pembatalan atau penggantungan tersebut.

19.7 Sekiranya berlaku penutupan di bawah Klausula 19.1 dan 19.2(a), anda akan mengarahkan kami mengenai cara yang betul bagi pelupusan atau pemindahan wang dalam Akaun Deposit Tetap Islam sebelum tarikh penutupan.

19.8 Pada penutupan/pembatalan Akaun Deposit Tetap Islam, anda mesti membayar semua fi, kos, caj, perbelanjaan, cukai, duti, levi dan jumlah terakru sehingga tarikh penutupan/pembatalan

Akaun Deposit Tetap Islam.

- 19.9 Jika terdapat sebarang kewajipan bayaran oleh kami kepada anda selepas penutupan atau pembatalan Akaun Deposit Tetap Islam, kami akan mengeluarkan dan menghantar draf bank atau perintah juruwang atas nama anda, melalui pos biasa ke alamat terakhir anda yang diketahui dalam rekod kami. Selepas kami bertindak mengikut peruntukan di atas, ia akan dianggap sebagai pelepasan yang sah dan lengkap bagi tanggungjawab kami berhubung dengan Akaun Deposit Tetap Islam.

20. Hak Tolak Selesai dan Penggabungan

- 20.1 Sebagai tambahan kepada sebarang hak am untuk tolak selesai di bawah undang-undang atau mana-mana perjanjian lain, anda bersetuju bahawa kami boleh, dengan memberikan notis terlebih dahulu kepada anda pada bila-bila masa, menggabungkan atau menyatukan semua atau mana-mana akaun anda (sama ada akaun semasa, deposit, pinjaman/pembiayaan atau sebaliknya) dengan kami, sama ada secara tunggal atau bersama dengan mana-mana individu lain. Anda membenarkan kami, selepas memberikan anda notis tujuh (7) Hari, untuk tolak selesai atau memindah sebarang jumlah tertunggak dalam kredit untuk mana-mana akaun sedemikian, termasuk Akaun Deposit Tetap Islam (sama ada matang atau sebaliknya) ("Deposit") untuk atau terhadap penyelesaian liabiliti anda di bawah Terma dan Syarat ini atau di bawah mana-mana perjanjian lain atau untuk apa-apa perkara, sama ada liabiliti tersebut adalah untuk masa kini atau masa hadapan, sebenar atau luar jangka, utama atau kolateral, dan berasingan atau bersama ("Liabiliti").
- 20.2 Pada pengeluaran notis yang dinyatakan dalam Klausula 20.1 di atas, anda bersetuju bahawa kami berhak untuk menguntukkan atau memegang Deposit tersebut sebelum tolak selesai dan anda tidak boleh mengeluarkan sebarang Deposit tanpa persetujuan bertulis kami terlebih dahulu.
- 20.3 Di mana penyatuan, tolak selesai, penggabungan atau pemindahan sedemikian memerlukan penukaran dari satu mata wang ke mata wang yang lain, penukaran sedemikian akan dikira pada kadar pertukaran lazim kami seperti yang kami tentukan pada budi bicara mutlak kami.
- 20.4 Jika terdapat kekurangan antara jumlah yang perlu dibayar dan jumlah yang direalisasikan, anda mesti membayar jumlah perbezaan tersebut kepada kami dengan serta-merta apabila diminta, dan sehingga kami menerima bayaran sepenuhnya, anda juga perlu membayar caj pembayaran lewat ke atas baki tersebut pada kadar sedemikian yang kami mungkin tentukan dari semasa ke semasa, selepas dan sebelum apa-apa pengadilan, dan tidak mengira sama ada hubungan bank dan pelanggan antara anda dan kami telah berhenti atau ditamatkan.
- 20.5 Deposit atau mana-mana hak, hak milik atau kepentingan anda dalamnya tidak boleh diserahkan, dipindah atau dibebankan (melainkan jika memihak kepada kami atau dengan kebenaran bertulis kami). Anda berjanji bahawa anda tidak akan, atau tidak bertujuan untuk, menjual, menyerah hak, memindah, menggadai janji, mengenakan caj atau sebaliknya mengurus atau membebankan Deposit tersebut atau mana-mana hak, hak milik atau kepentingan anda dalamnya, dan sebarang penjualan, penyerahan hak, pemindahan, gadai janji, caj atau urusan lain sedemikian akan menjadi tidak sah.

21. Terma dan Syarat yang Mentadbir Perkhidmatan Perbankan Telefon UOB

- 21.1 Sebagai tambahan kepada Terma dan Syarat ini, jika anda meminta perkhidmatan kami melalui Perkhidmatan Perbankan Telefon UOB, Terma dan Syarat Perkhidmatan Perbankan Telefon UOB akan digunakan sebagai tambahan kepada dan bukan pengganti untuk Terma dan Syarat ini. Anda boleh membaca Terma dan Syarat Perkhidmatan Perbankan Telefon UOB di www.uob.com.my.

22. Terma dan Syarat yang Mentadbir Perkhidmatan Perbankan Internet Peribadi UOB / Perbankan Internet Perniagaan UOB

22.1 Sebagai tambahan kepada Terma dan Syarat ini, jika anda meminta perkhidmatan kami melalui Perbankan Internet Peribadi UOB (untuk individu) atau Perbankan Internet Perniagaan UOB (untuk syarikat, perkongsian atau pemilikan tunggal), Terma dan Syarat yang Mentadbir Perkhidmatan Perbankan Internet Peribadi UOB (untuk individu) dan Terma dan Syarat Perkhidmatan Perbankan Internet (Perniagaan) UOB (untuk syarikat, perkongsian atau pemilikan tunggal), yang mana berkenaan, akan digunakan sebagai tambahan kepada dan bukan penggantian untuk mana-mana Terma dan Syarat ini. Anda boleh membaca Terma dan Syarat yang Mentadbir Perkhidmatan Perbankan Internet Peribadi UOB atau Terma dan Syarat Perkhidmatan Perbankan Internet (Perniagaan) UOB di www.uob.com.my.

23. Tiada Tolak Selesai atau Tuntutan Balas oleh Pemegang Akaun

23.1 Sehingga semua wang terhutang telah dibayar atau diselesaikan sepenuhnya, anda tidak berhak untuk menuntut sebarang tolak selesai atau tuntutan balas terhadap kami berkaitan dengan apa-apa liabiliti kami kepada anda, dengan membayar sebarang jumlah yang boleh didapatkan kembali oleh kami atau dengan apa cara sekalipun atau pada apa-apa alasan lain. Anda bersetuju bahawa tiada apa-apa dalam pengaturannya antara kami akan dianggap sebagai mengandungi perjanjian tersirat yang mengehendak atau menafikan sebarang lien, caj, jaminan, hak untuk tolak selesai atau hak sedia ada yang lain kami atau yang dinyatakan oleh undang-undang.

24. Kos dan Perbelanjaan

24.1 Semua kos dan perbelanjaan termasuk kos guaman, caj dan perbelanjaan yang ditanggung oleh kami berhubung dengan Akaun Deposit Tetap Islam, penguatkuasaan atau percubaan untuk mengekal atau menguatkuasakan hak kami di bawah Terma dan Syarat ini, dan apa-apa pengenaan cukai di bawah undang-undang atau peraturan pencukaian mana-mana negara yang mempunyai bidang kuasa ke atas kami, akan dibayar oleh anda apabila dituntut pada dasar indemniti penuh.

24.2 Kami berhak untuk menggunakan sebarang bayaran yang kami terima daripada anda untuk menyelesaikan semua kos, caj dan perbelanjaan dalam perkadaran dan aturan keutamaan sedemikian yang kami anggap sesuai, dan kami berhak untuk menempatkan dan mengekalkan sebarang bayaran yang diterima daripada anda pada kredit akaun tergantung sepanjang tempoh yang kami pilih. Sementara itu, kami tidak diwajibkan untuk menggunakan kesemua atau sebahagian yang sama terhadap pelepasan sebarang wang atau liabiliti yang dijangka atau ditanggung oleh anda di bawah Akaun Deposit Tetap Islam.

25. Pengelakan Pembayaran

25.1 Sebarang jaminan, sekuriti atau pembayaran yang mungkin dibatalkan atau diketepikan di bawah sebarang undang-undang berhubung dengan penggulungan atau ketidakmampuan bayar dan sebarang pembebasan, penyelesaian atau pelepasan yang diberi atau dilakukan oleh kami berdasar pada keyakinan sebarang jaminan, sekuriti atau pembayaran sedemikian tidak akan memudaratkan atau menjejaskan hak kami untuk mendapat balik wang yang dijamin daripada anda pada tahap penuh di bawah Terma dan Syarat ini seolah-olahnya jaminan, sekuriti atau pembayaran tersebut belum diterima dan seolah-olahnya pembebasan, penyelesaian atau pelepasan sedemikian tidak diberikan. Sebarang pembebasan, penyelesaian atau pelepasan sedemikian akan dianggap telah dilakukan tertakluk kepada syarat bahawa ia akan menjadi tidak sah jika apa-apa bayaran atau sekuriti yang kami mungkin telah terima sebelum ini atau diterima selepas ini daripada mana-mana individu berhubung dengan wang yang anda bersetuju untuk membayar telah diperuntukkan di bawah sebarang Undang-undang yang Digunakan atau dibuktikan tidak sah untuk apa-apa sebab.

26. Pemindaan

- 26.1 Kami boleh, pada bila-bila masa, mengubah, menambah, mengeluarkan atau meminda Terma dan Syarat ini dengan memberikan anda notis dua puluh satu (21) hari terlebih dahulu, sama ada melalui Penyata Akaun anda atau melalui pemaparan pada laman web rasmi kami di www.uob.com.my atau di Cawangan kami, atau melalui apa-apa cara yang kami pilih.
- 26.2 Jika anda tidak bersetuju dengan pindaan tersebut, anda mesti, dalam tempoh tujuh (7) hari daripada tarikh pemberitahuan, datang ke cawangan terdekat kami untuk memindahkan wang tersebut kepada produk lain atau menutup Akaun Deposit Tetap Islam. Jika anda tidak berbuat demikian, anda akan dianggap telah menerima dan bersetuju dengan perubahan sedemikian dan perubahan tersebut akan mengikat anda.
- 26.2 Kami boleh, pada bila-bila masa, meminda, mengubah suai, menyemak semula, menyekat, meningkat, menggantung, membatalkan atau menarik balik semua atau mana-mana kemudahan, perkhidmatan, manfaat dan keistimewaan Akaun Deposit Tetap Islam dengan memberikan notis terlebih dahulu kepada anda.

27. Pendedahan Maklumat

27.1 Anda bersetuju bahawa kami (termasuk pegawai, kakitangan, agen atau mana-mana individu lain yang dibenarkan oleh kami untuk mengakses rekod, surat-menyurat atau apa-apa bahan yang berhubung dengan anda atau Akaun Deposit Tetap Islam) boleh mendedahkan pada bila-bila masa pada budi bicara mutlak kami dan tanpa memaklumkan anda terlebih dahulu, sebarang maklumat yang berkaitan dengan anda, akaun anda dengan kami atau Akaun Deposit Tetap Islam kepada pihak berikut:-

- (a) mana-mana satu atau lebih dari satu ahli Kumpulan (iaitu cawangan, agensi, wakil, pegawai, syarikat gabungan, bersekutu atau berkaitan serta pegawai, kakitangan dan agen masing-masing sama ada di Malaysia atau di tempat lain) untuk apa-apa tujuan berikut:-
- (i) menyediakan anda dengan perkhidmatan perbankan;
 - (ii) pelaporan;
 - (iii) pepadanan data;
 - (iv) meningkat dan melanjutkan penyediaan perkhidmatan lain oleh kami;
 - (v) pencegahan penipuan atau jenayah;
 - (vi) menyasat, mencegah atau sebaliknya berhubung dengan pengubahan wang haram atau apa-apa aktiviti jenayah lain;
 - (vii) kutipan hutang;
 - (viii) khidmat sumber luar;
 - (ix) pelaksanaan tugas sebagai seorang pegawai kami atau berkaitan dengan pengauditan atau menjalankan pengurusan risiko;
 - (x) memudahkan pelaksanaan tugas kami atau mana-mana fungsi ahli Kumpulan;
 - (xi) pematuhan pada polisi, garis panduan, arahan atau keperluan Kumpulan;
 - (xii) pelaksanaan peraturan korporat;
 - (xiii) sebarang proses undang-undang yang dimulakan oleh atau dilaksanakan ke atas kami.
- (b) mana-mana individu, sama ada di Malaysia atau di tempat lain, yang menyediakan perkhidmatan elektronik atau perkhidmatan lain kepada kami bagi tujuan menyediakan, mengemas kini, menyenggara dan mempertingkatkan perkhidmatan tersebut, termasuk tetapi tidak terhad kepada siasatan percanggahan, kesilapan atau tuntutan;
- (c) mana-mana individu, sama ada di Malaysia atau di tempat lain, yang dilantik oleh kami berkaitan dengan pelaksanaan perkhidmatan atau fungsi operasi yang telah menggunakan khidmat pakar luar;
- (d) pihak polis atau mana-mana pegawai awam yang menjalankan suatu penyiasatan berkaitan dengan sebarang kesalahan termasuk kesalahan yang disyaki;

- (e) syarikat kad kredit dan institusi kewangan yang berkaitan dengan pertanyaan kad kredit;
- (f) bank, institusi kewangan, biro kredit atau agen rujukan kredit yang lain (hanya untuk maklumat kredit);
- (g) juruaudit, peguam cara dan penasihat profesional kami;
- (h) pencetak alat tulis kami, vendor sistem komputer yang kami gunakan, dan individu sedemikian yang memasang dan menyenggarakannya, serta pembekal barangan atau pembekal perkhidmatan lain yang dilantik oleh kami;
- (i) mana-mana penerima yang dilantik oleh kami atau mana-mana pihak lain;
- (j) mana-mana biro kredit di mana kami adalah ahli, dan mana-mana ahli dan/atau jawatankuasa pematuhan biro kredit sedemikian;
- (k) mana-mana agensi penarafan, rakan kongsi perikatan perniagaan, syarikat insurans atau pembekal insurans/takaful atau pembekal perlindungan kredit secara langsung atau tidak langsung;
- (l) mana-mana peserta atau sub-peserta sebenar atau berpotensi berhubung dengan sebarang tanggungjawab kami di bawah perjanjian pembiayaan di antara kami dan anda, atau pemegang serah hak, *novatee* atau penerima pindahan (atau mana-mana pegawai, kakitangan, agen atau penasihat) atau mana-mana daripada mereka;
- (m) untuk transaksi yang dilaksanakan atau diproseskan dengan atau tanpa kebenaran anda dalam atau melalui ATM bank atau institusi kewangan atau bukan kewangan lain atau terminal atau mesin atau peranti dikendalikan kad lain yang diluluskan oleh kami, kepada kami, institusi kewangan atau bukan kewangan, pedagang atau pihak lain yang menerima penggunaan kad mesin juruwang automatik dan agen atau kontraktor mereka masing-masing;
- (n) mana-mana mahkamah, tribunal atau pihak berkuasa, sama ada kerajaan atau separa-kerajaan yang mempunyai bidang kuasa ke atas kami atau mana-mana ahli Kumpulan;
- (o) mana-mana individu di mana kami, atau mana-mana ahli Kumpulan, dibenarkan atau diperlukan untuk melakukan pendedahan di bawah undang-undang mana-mana negara;
- (p) mana-mana individu lain di mana pendedahan sedemikian dianggap sebagai untuk kepentingan kami, atau kepentingan mana-mana ahli Kumpulan (tidak termasuk perkongsian strategik untuk tujuan pemasaran dan promosi);
- (q) mana-mana individu yang berkaitan dengan penguatkuasaan atau perlindungan sebarang hak kami di bawah Terma dan Syarat ini;
- (r) Biro Kredit Pusat atau mana-mana pihak berkuasa atau badan lain yang ditubuhkan oleh BNM atau mana-mana pihak berkuasa lain yang mempunyai bidang kuasa ke atas kami; atau
- (s) mana-mana Penandatanganan yang Dibenarkan atau pengarah anda;
- (t) mana-mana bank atau agen dalam mana-mana bidang kuasa, pengawal selia dan pihak berkuasa luar negara yang mempunyai bidang kuasa ke atas bank atau agen sedemikian bagi tujuan kawal selia; atau
- (u) mana-mana negara lain, bank pusatnya atau pihak berkuasa penyiasatan bagi tujuan pematuhan kepada apa-apa pertukaran maklumat akaun kewangan secara automatik di bawah mana-mana perjanjian pelbagai hala mengenai bantuan pentadbiran bersama dalam perkara cukai.

28. Carian

- 28.1 Kami boleh tetapi tidak diwajibkan untuk melakukan carian kebangkrapan atau carian berkaitan kredit daripada mana-mana agensi rujukan kredit, pangkalan data atau sistem ke atas mana-mana individu sebelum dan pada bila-bila masa selepas pembukaan Akaun Deposit Tetap Islam.
- 28.2 Anda membenarkan kami menjalankan carian sedemikian terhadap anda setakat yang dibenarkan oleh undang-undang.
- 28.3 Semua caj yang dikenakan berhubung dengan carian di atas akan ditanggung oleh anda.

29. Pematuhan pada Perintah Mahkamah

- 29.1 Kami dan Kumpulan boleh bertindak dalam apa-apa cara yang kami anggap sesuai, tanpa berunding dengan anda terlebih dahulu, jika kami dikemukakan dengan suatu perintah mahkamah yang dikeluarkan oleh mahkamah daripada sebarang bidang kuasa. Anda bersetuju untuk tidak mempertanggungjawabkan kami untuk sebarang kerugian atau ganti rugi berhubung dengan tindakan kami.

30. Perlindungan Data

- 30.1 Jika anda seorang individu, anda dengan ini mengesahkan bahawa anda telah menerima, membaca, memahami dan bersetuju untuk diikat oleh Notis Privasi yang dikeluarkan oleh kami (yang boleh didapati di cawangan kami dan juga di laman web kami di www.uob.com.my) dan klausa dalam Terma dan Syarat ini yang mungkin berkaitan dengan pemprosesan Data Peribadi anda. Bagi mengelakkan keraguan, anda bersetuju bahawa Notis Privasi tersebut akan dianggap telah dimasukkan sebagai rujukan ke dalam Terma dan Syarat ini. Jika anda adalah sebuah syarikat atau organisasi, anda dengan ini mengesahkan bahawa anda telah menerangkan atau akan menerangkan kepada Subjek Data Pihak Ketiga bahawa Data Peribadi mereka akan diberikan kepada, dan diproses oleh, kami dan anda mewakili dan menjamin bahawa anda telah mendapat persetujuan mereka untuk memproses (termasuk pendedahan dan pemindahan) Data Peribadi mereka.
- 30.2 Anda membenarkan dan bersetuju bahawa kami boleh memindahkan Data Peribadi (termasuk Data Peribadi mana-mana Subjek Data Pihak Ketiga) ke luar Malaysia. Semua Data Peribadi yang dipegang oleh kami dan Kumpulan akan diberi tahap perlindungan yang munasabah terhadap apa-apa kehilangan, salah guna, pengubahsuaian, akses atau pendedahan tanpa kebenaran atau tidak sengaja, perubahan atau pemotongan.
- 30.3 Sekiranya anda menyediakan Data Peribadi berhubung dengan mana-mana Subjek Data Pihak Ketiga kepada kami bagi tujuan pembukaan atau pengendalian Akaun Deposit Tetap Islam dengan kami atau sebaliknya untuk melanggan produk dan perkhidmatan kami, anda:
- (a) berjanji bahawa anda telah memaklumkan Subjek Data Pihak Ketiga sedemikian untuk membaca Notis Privasi di laman web kami di www.uob.com.my;
 - (b) mengesahkan dan menjamin bahawa anda telah mendapat persetujuan mereka untuk memproses (termasuk pendedahan dan pemindahan) Data Peribadi mereka atau sebaliknya berhak untuk menyediakan data ini kepada kami untuk kami menggunakannya selaras dengan Terma dan Syarat ini dan/atau dalam keadaan di mana kami perlu membuktikan yang sama;
 - (c) telah memaklumkan Subjek Data Pihak Ketiga sedemikian:-
 - (i) bahawa kami mungkin mengumpul atau mengesahkan Data Peribadi mereka dengan sumber-sumber pihak ketiga;
 - (ii) bahawa kami boleh mendedahkan Data Peribadi mereka kepada kelas pihak ketiga seperti yang dinyatakan dalam Notis Privasi kami;
 - (d) bersetuju untuk memastikan bahawa Data Peribadi Subjek Data Pihak Ketiga sedemikian adalah tepat, lengkap, tidak mengelirukan, dan dikemaskinikan;
 - (e) bersetuju untuk mengemas kini secara bertulis kepada kami sekiranya terdapat sebarang perubahan ketara kepada Data Peribadi sedemikian; dan
 - (f) bersetuju kepada hak kami untuk menamatkan Terma dan Syarat ini dan menutup Akaun Deposit Tetap Islam jika persetujuan sedemikian ditarik balik oleh Subjek Data Pihak Ketiga sedemikian.
- 30.4 Di mana anda mengarahkan kami untuk melaksanakan sebarang bentuk transaksi rentas sempadan (termasuk untuk melakukan atau menerima bayaran), butiran yang berkenaan

dengan transaksi rentas sempadan tersebut (termasuk data yang berkaitan dengan pihak yang terlibat dalam transaksi tersebut, seperti mana-mana Subjek Data Pihak Ketiga) boleh diterima daripada atau dihantar ke luar negara, di mana ia boleh diakses oleh pengawal selia dan pihak berkuasa luar negara berhubung dengan kewajipan sah mereka (contoh, pencegahan jenayah). Dalam mengarahkan kami dan/atau agen kami untuk melakukan sebarang transaksi rentas sempadan bagi pihak anda, anda bersetuju dengan pendedahan di atas bagi pihak anda dan pihak lain (termasuk mana-mana Subjek Data Pihak Ketiga) yang terlibat dalam transaksi rentas sempadan sedemikian.

- 30.5 Sebagai tambahan, tetapi sentiasa tertakluk kepada sebarang undang-undang (termasuk peraturan, garis panduan dan/atau tanggungjawab) yang dikenakan ke atas kami dan Kumpulan (sama ada di dalam atau di luar Malaysia), anda bersetuju bahawa kami dan Kumpulan, serta pedagang dan rakan strategik kami boleh menghubungi anda mengenai produk, perkhidmatan dan tawaran yang kami percaya mungkin dapat menarik minat anda atau memanfaatkan anda dari segi kewangan. Walau apapun yang tersebut di atas, kami hanya akan mendedahkan Data Peribadi anda (tidak termasuk data yang berhubung dengan hal ehwal atau akaun anda) kepada pedagang dan rakan kongsi strategik kami di mana persetujuan nyata anda telah diperoleh terlebih dahulu.
- 30.6 Anda boleh memilih untuk tidak menerima atau berhenti menerima apa-apa bahan pemasaran langsung daripada kami dan Kumpulan dengan menulis kepada kami di 'Perkhidmatan Kewangan Peribadi, Peti Surat 13525, Menara UOB, Jalan Raja Laut, 50738 Kuala Lumpur' (atau alamat lain sedemikian yang dimaklumkan oleh kami dari semasa ke semasa) dengan permintaan anda dan kami akan mematuhi arahan bertulis terkini anda kepada kami.
- 30.7 Anda mengakui bahawa komunikasi tertentu seperti Penyata Akaun dan laman web kami mengandungi maklumat standard mengenai produk dan perkhidmatan lain kami yang tidak boleh dikeluarkan tanpa menjejaskan penghantaran/penyediaan perkhidmatan dan/atau produk kami, pengendalian Akaun Deposit Tetap Islam anda dan/atau tanpa mengenakan kos tambahan kepada anda.
- 30.8 Anda dan Subjek Data Pihak Ketiga berhak untuk meminta secara bertulis:
- (a) untuk apa-apa maklumat berhubung dengan Data Peribadi yang dipegang atau disimpan oleh kami;
 - (b) untuk apa-apa maklumat yang dipegang atau disimpan oleh kami yang perlu dikemaskini, dipinda dan/atau diperbetulkan;
 - (c) untuk kami menghadkan pemprosesan Data Peribadi anda yang dipegang atau disimpan oleh kami; dan
 - (d) untuk membuat pertanyaan atau aduan berkenaan dengan pemprosesan Data Peribadi anda.

Untuk pertanyaan di bawah (a) atau (b), anda dan/atau Subjek Data Pihak Ketiga boleh membuat permintaan kepada kami melalui Borang Permintaan Mengakses Data atau Borang Permintaan Membetulkan Data masing-masing. Borang-borang ini boleh didapati di cawangan kami dan juga di laman web kami di www.uob.com.my.

Anda dan/atau Subjek Data Pihak Ketiga boleh mengarahkan semua permintaan ke mana-mana cawangan kami atau ke 'Pengurusan Komunikasi Pelanggan, Peti Surat 11212, Menara UOB, Jalan Raja Laut, 50738 Kuala Lumpur'.

Kami boleh mengenakan fi untuk memproses sebarang permintaan untuk mendapat akses. Kami juga mungkin enggan mematuhi sebarang permintaan berkenaan dengan (a) atau (b) di atas jika maklumat yang diberikan oleh anda dan/atau Subjek Data Pihak Ketiga tidak mencukupi (sebagaimana yang kami tentukan) atau di mana permintaan sedemikian boleh memungkir atau melanggar sebarang undang-undang atau peraturan atau apa-apa sebab lain yang kami anggap bukan pada kepentingan kami untuk berbuat demikian. Jika kami enggan mematuhi permintaan sedemikian, kami akan memaklumkan anda dan Subjek Data Pihak

Ketiga mengenai keengganan dan sebab keengganan kami.

- 30.9 Anda bertanggungjawab untuk memastikan bahawa maklumat yang anda berikan kepada kami adalah tepat, lengkap dan tidak mengelirukan dan bahawa maklumat sedemikian sentiasa dikemaskinikan.
- 30.10 Sila dimaklumkan bahawa jika kami tidak lagi berhak untuk memproses Data Peribadi yang diberikan kepada kami oleh anda (termasuk di mana anda adalah seorang individu, anda dan/atau Subjek Data Pihak Ketiga kemudiannya menarik balik kebenaran untuk memproses Data Peribadi), kami mungkin tidak dapat memproses Data Peribadi secara berkesan, atau memprosesnya sama sekali, berhubung dengan sebarang tujuan yang dinyatakan dalam Notis Privasi. Sehubungan itu, kami berhak untuk tidak menyediakan atau tidak meneruskan penyediaan mana-mana produk, perkhidmatan, Akaun Deposit Tetap Islam dan/atau kemudahan yang dikaitkan kepada Data Peribadi sedemikian.
- 30.11 Kami berhak untuk meminda Klausula 30 ini dari semasa ke semasa pada budi bicara tunggal kami dan akan memberikan notis bertulis terlebih dahulu kepada anda dan menyatakan apa-apa pindaan sedemikian di laman web kami atau meletakkan notis di ruang perbankan atau di kawasan utama di cawangan kami atau dengan apa-apa cara komunikasi lain yang kami anggap sesuai.
- 30.12 Klausula 30 ini tidak akan menjejaskan sebarang klausula lain dalam Terma dan Syarat ini yang berkenaan dengan pendedahan data.

31. Pematuhan FATCA

- 31.1 Anda perlu menyediakan semua dokumentasi atau maklumat yang diperlukan, termasuk tetapi tidak terhad kepada tarikh lahir, negara kewarganegaraan, negara-negara kediaman tetap, cukai di negara-negara kediaman dan nombor pengenalan pembayar cukai yang berkaitan, yang mungkin diperlukan untuk membolehkan kami atau mana-mana ahli Kumpulan mematuhi semua keperluan FATCA atau perjanjian lain oleh atau antara kerajaan.
- 31.2 Anda perlu memaklumkan kami secara bertulis dalam tempoh tiga puluh (30) hari mengenai sebarang perubahan yang menjejaskan status cukai anda berhubung dengan FATCA di bawah sebarang undang-undang, peraturan atau perjanjian lain oleh atau antara kerajaan.
- 31.3 Anda mewakili dan menjamin bahawa anda telah memberikan semua dokumentasi atau maklumat lain kepada kami sebagaimana yang mungkin diperlukan oleh kami untuk mematuhi FATCA dan berhubung dengan perubahan dalam status cukai dan akan menyediakan semua dokumentasi atau maklumat lain yang diperlukan dalam tempoh tujuh (7) Hari dari permintaan kami secara bertulis atau sebaliknya.
- 31.4 Anda selanjutnya mengakui bahawa apa-apa kegagalan di pihak anda untuk memberikan maklumat yang tepat dan terkini menurut syarat dan permintaan kami boleh menyebabkan kami menganggap bahawa anda bersikap degil dan/atau boleh dilaporkan dan mengambil segala tindakan yang diperlukan terhadap anda dalam usaha kami untuk mematuhi syarat di bawah FATCA, undang-undang tempatan berhubung dengan FATCA dan mana-mana peruntukan lain yang timbul daripada perjanjian antara kerajaan berkaitan dengan FATCA.
- 31.5 Bagi pelanggan individu, anda bersetuju dengan pengumpulan, penyimpanan, dan pendedahan apa-apa Data Peribadi oleh kami atau mana-mana ahli Kumpulan kepada individu-individu di mana kami atau mana-mana ahli Kumpulan menerima atau melakukan pembayaran bagi pihak anda dan kepada pihak berkuasa kerajaan seperti yang diperlukan oleh undang-undang atau perjanjian lain oleh atau antara kerajaan. Kebenaran anda akan berkuatkuasa tanpa mengira sebarang perjanjian tiada pendedahan yang digunakan. Anda menyatakan bahawa anda telah memperolehi sebarang persetujuan atau penepian yang diperlukan daripada mana-mana pihak ketiga di mana maklumatnya telah diberikan kepada kami bagi membenarkan kami atau mana-mana ahli Kumpulan menjalankan tindakan seperti yang dinyatakan dalam Klausula 31 ini, dan bahawa anda akan memperolehi persetujuan dan penepian sedemikian terlebih dahulu sebelum memberikan maklumat yang sama kepada kami

pada masa hadapan.

- 31.6 Bagi pelanggan yang merupakan pemilik tunggal, perkongsian atau entiti perniagaan lain, syarikat, persatuan, kelab atau pertubuhan atau amanah, anda bersetuju dengan pengumpulan, penyimpanan, dan pendedahan apa-apa Maklumat Sulit (seperti yang dirujuk di bawah) oleh kami atau mana-mana ahli Kumpulan kepada individu-individu di mana kami atau mana-mana ahli Kumpulan menerima atau melakukan pembayaran bagi pihak anda dan kepada pihak berkuasa kerajaan seperti yang diperlukan oleh undang-undang atau perjanjian lain oleh atau antara kerajaan. Maklumat Sulit akan termasuk data peribadi anda, butiran akaun bank anda, maklumat transaksi, dan apa-apa maklumat lain yang akan dianggap oleh seseorang yang munasabah sebagai bersifat sulit atau proprietari. Persetujuan anda akan berkuatkuasa tanpa mengira sebarang perjanjian kerahsiaan yang digunakan. Anda menyatakan bahawa anda telah memperolehi sebarang persetujuan atau penepian yang diperlukan daripada mana-mana pihak ketiga di mana maklumatnya telah diberikan kepada kami bagi membenarkan kami atau mana-mana ahli Kumpulan menjalankan tindakan seperti yang dinyatakan dalam Klausula 31 ini, dan bahawa anda akan memperolehi persetujuan dan penepian sedemikian terlebih dahulu sebelum memberikan maklumat yang sama kepada kami pada masa hadapan.
- 31.7 Anda bersetuju dan mengakui bahawa kami berhak untuk mengambil segala tindakan yang diperlukan untuk mematuhi dan kekal mematuhi FATCA sebagaimana yang diperlukan oleh undang-undang atau perjanjian lain oleh atau antara kerajaan. Jika sebahagian daripada pendapatan anda boleh dilaporkan dan sebahagiannya tidak, kami akan melaporkan semua pendapatan kecuali kami dapat menentukan jumlah yang boleh dilaporkan dengan sewajarnya. Anda dengan ini membenarkan kami atau mana-mana ahli Kumpulan kami, di mana sesuai, untuk menahan atau, jika tidak, mengutip sebarang bayaran, sebarang cukai atau pentaksiran kerajaan lain yang diperlukan, termasuk tetapi tidak terhad kepada apa-apa syarat untuk menahan atau memotong jumlah di bawah Kod serta peraturan dan garis panduan lain yang dikeluarkan di bawah Kod, di mana setiap daripadanya dipinda dari semasa ke semasa atau mana-mana perjanjian lain dengan atau antara pihak berkuasa.
- 31.8 Kami atau mana-mana ahli Kumpulan, boleh mengambil apa-apa tindakan yang kami anggap sesuai untuk memenuhi sebarang tanggungjawab, sama ada di Malaysia atau di tempat lain di dunia, berhubung dengan pencegahan pengelakan cukai. Ini mungkin termasuk, tetapi tidak terhad kepada, menyasat dan memintas bayaran ke dalam dan ke luar daripada akaun anda (terutamanya dalam hal pemindahan dana antarabangsa), menyasat sumber atau penerima yang dimaksudkan untuk dana, berkongsi maklumat dan dokumen dengan pihak berkuasa cukai tempatan dan antarabangsa dan menahan pendapatan daripada akaun anda dan memindahkannya kepada pihak berkuasa cukai tersebut. Jika kami tidak berpuas hati bahawa suatu pembayaran ke dalam atau ke luar daripada akaun anda adalah sah, kami boleh menolak untuk menguruskannya.
- 31.9 Setakat yang dibenarkan oleh undang-undang, kami tidak akan bertanggungjawab kepada anda untuk sebarang kerugian, kos, perbelanjaan, ganti rugi, liabiliti yang anda mungkin alami akibat daripada pematuhan kami kepada undang-undang, peraturan, perintah atau perjanjian dengan pihak berkuasa cukai atau oleh dan antara pihak berkuasa cukai atau jika kami melakukan penentuan yang salah sama ada anda patut dianggap sebagai tertakluk kepada cukai atau kewajipan pelaporan cukai.
- 31.10 Klausula 31 ini akan mengatasi mana-mana terma atau persetujuan yang tidak konsisten yang diberikan oleh anda di bawah mana-mana perjanjian dengan kami setakat perjanjian sedemikian memperuntukkan hak yang berkurangan bagi kami, sama ada sebelum atau selepas tarikh Terma dan Syarat ini. Klausula 31 ini tidak akan menjejaskan sebarang klausa lain dalam Terma dan Syarat ini yang menyediakan permintaan untuk maklumat atau pendedahan data.

32. Notis dan Komunikasi

- 32.1 Kami boleh menghantar sebarang Penyata Akaun, notis atau komunikasi kepada anda dalam mana-mana cara berikut:-

- (a) mel elektronik ke alamat e-mel terakhir anda yang diketahui dalam rekod kami;
 - (b) pos (berdaftar, berdaftar Akuan Terima, biasa atau sebaliknya) atau dihantar dengan tangan atau ditinggalkan di alamat terakhir anda yang diketahui dalam rekod kami;
 - (c) memaparkan notis di Cawangan;
 - (d) menyiarkan notis atau komunikasi di laman web rasmi kami di www.uob.com.my;
 - (e) iklan atau notis am dalam surat khabar harian;
 - (f) siaran radio atau televisyen atau apa-apa bentuk komunikasi media lain;
 - (g) faksimili ke nombor faksimili terakhir anda yang diketahui dalam rekod kami;
 - (h) menghantar khidmat pesanan ringkas (SMS) ke nombor telefon bimbit yang terakhir diketahui oleh kami.
- 32.2 Notis atau komunikasi tersebut akan dianggap telah diterima oleh anda pada hari ia dihantar sedemikian, pada hari selepas penyiaran sedemikian atau pada hari paparan, terbitan atau siaran sedemikian dilakukan dibuat, dan pada hari SMS dihantar.
- 32.3 Kami tidak akan bertanggungjawab untuk apa-apa yang mungkin terjadi kepada notis atau komunikasi selepas ia dihantar, contohnya, jika apa-apa notis atau komunikasi ditangguhkan, dipintas, hilang, gagal untuk diterima atau didedahkan kepada mana-mana pihak semasa penghantaran.
- 32.4 Perubahan dalam butiran perhubungan:-
- (a) Anda bersetuju untuk memaklumkan kami dengan serta-merta:-
 - (i) mengenai sebarang perubahan dalam alamat surat-menyurat/pos atau kediaman anda serta maklumat perhubungan anda;
 - (ii) jika anda adalah pengeksport, mengenai apa-apa perubahan dalam jumlah hasil eksport anda; dan/atau
 - (iii) jika terdapat apa-apa perubahan yang mungkin menyebabkan pengendalian Akaun Deposit Tetap Islam sebagai melanggar Peraturan FX,
 (secara kolektif, "Maklumat").
 - (b) Jika anda tidak memaklumkan kami mengenai sebarang perubahan dalam Maklumat anda, anda bersetuju bahawa kami boleh, pada budi bicara mutlak kami, bergantung pada:-
 - (i) sebarang alamat dan/atau maklumat perhubungan yang dinyatakan dalam borang permohonan atau seperti yang dinyatakan dalam rekod kami; atau
 - (ii) sebarang alamat dan/atau maklumat perhubungan yang kami peroleh daripada sebarang komunikasi yang dikatakan telah dihantar oleh anda kepada kami.
 - (c) Jika anda gagal memaklumkan kami mengenai perubahan dalam Maklumat anda yang menyebabkan kelewatan atau tiada penghantaran mana-mana Penyata Akaun, surat-menyurat dan/atau notis, ia tidak akan menjejaskan hak dan kelayakan kami di bawah Terma dan Syarat ini.

33. Penyampaian Proses Undang-undang

- 33.1 Sebagai tambahan kepada dan bukan penggantian untuk apa-apa cara perkhidmatan yang mungkin dibenarkan atau ditetapkan oleh sebarang undang-undang bertulis yang berkuat kuasa pada masa ini, sebarang perkhidmatan Proses Undang-undang oleh atau bagi pihak kami dapat dilaksanakan ke atas anda:
- (a) jika anda adalah seorang individu, dengan meninggalkan satu salinan di alamat yang dinyatakan dalam borang permohonan atau dalam apa-apa komunikasi yang dikatakan telah dikeluarkan oleh anda kepada kami atau yang terakhir diketahui kami dan ia akan dianggap telah diterima oleh anda pada hari ia ditinggalkan di alamat tersebut; atau

- (b) jika anda adalah pemilikan tunggal, perkongsian, syarikat, pertubuhan, kelab, persatuan atau amanah, dengan meninggalkan satu salinan di alamat yang dinyatakan dalam borang permohonan atau dalam apa-apa komunikasi yang dikatakan telah dikeluarkan oleh anda kepada kami atau yang terakhir diketahui kami, atau tempat perniagaan atau alamat pejabat berdaftar atau utama terakhir anda yang diketahui kami, dan ia akan dianggap telah diterima oleh anda pada hari ia ditinggalkan di alamat tersebut; atau
- (c) dengan menghantar satu salinan melalui pos berdaftar prabayar atau biasa ke alamat yang dinyatakan dalam borang permohonan atau dalam apa-apa komunikasi yang dikatakan telah dikeluarkan oleh anda kepada kami atau yang terakhir diketahui kami, atau tempat perniagaan atau alamat pejabat berdaftar atau utama terakhir anda yang diketahui kami, dan ia akan dianggap telah diterima oleh anda dengan sewajarnya pada hari ketiga (ke-3) (termasuk hari pengeposan) dari tarikh ia dihantar, walaupun jika ia tidak dihantar atau telah dikembalikan.

34. Keadaan Di Luar Kawalan Kami

34.1 Jika kami tidak dapat melaksanakan sebarang kewajipan kami di bawah Terma dan Syarat ini, menjalankan sebarang operasi atau menyediakan sebarang perkhidmatan akibat apa-apa sebab di luar kawalan kami, termasuk:-

- (a) kebakaran, gempa bumi, banjir, epidemik, malapetaka semula jadi, kemalangan, kerusuhan, kekacauan awam, pertikaian industri, tindakan keganasan, embargo, peperangan atau bencana alam;
- (b) apa-apa kegagalan atau gangguan telekomunikasi, internet, bekalan elektrik, air, bekalan bahan api; atau
- (c) apa-apa keadaan dalam bentuk *force majeure* (sesuatu peristiwa tidak diduga) yang menghalang kami daripada melaksanakan kewajipan kami di bawah Terma dan Syarat ini

Kami tidak akan bertanggungjawab ke atas apa-apa kegagalan untuk melaksanakan atau untuk sebarang kesulitan, kerugian, kecederaan atau ganti rugi yang mungkin dialami atau ditanggung oleh anda secara langsung atau tidak langsung akibat kegagalan tersebut.

35. Indemniti

35.1 Sebagai tambahan dan tanpa menjejaskan sebarang hak atau remedi (undang-undang atau sebaliknya) lain dan setakat yang dibenarkan undang-undang, anda akan melindungi kami daripada semua kerugian, kos, caj dan perbelanjaan apa-apa sekalipun, termasuk fi dan kos guaman (pada dasar indemniti penuh), dan anda akan, apabila dituntut, melindungi kami dan tidak mempertanggungjawabkan kami daripada dan terhadap semua kerugian, kos, caj dan perbelanjaan apa-apa sekalipun, termasuk kos guaman pada dasar indemniti penuh, serta semua barangan dan perkhidmatan, nilai ditambah dan duti, levi dan cukai lain yang perlu dibayar ke atas kos, caj dan perbelanjaan sedemikian yang kami mungkin menampung, mengalami atau menanggung akibat:-

- (a) bertindak ke atas atau melaksanakan apa-apa Arahan termasuk pelantikan agen menurut Klausula 3.2 yang dikatakan telah diberikan kepada kami menurut Terma dan Syarat ini sama ada Arahan tersebut tidak dibenarkan, tidak tepat atau tidak lengkap atau sebaliknya;
- (b) apa-apa kegagalan anda untuk mematuhi mana-mana Terma dan Syarat ini;
- (c) kami bertindak mengikut Arahan anda atau dalam apa-apa cara yang dibenarkan di bawah Terma dan Syarat ini;
- (d) apa-apa perubahan dalam sebarang Undang-undang yang Digunakan termasuk tetapi tidak terhad kepada sebarang undang-undang pencucuaian atau peraturan mana-mana negara yang mempunyai bidang kuasa ke atas kami;

- (e) apa-apa tindakan atau perkara yang dilakukan atau yang menyebabkan ia dilakukan oleh kami berhubung dengan atau yang merujuk kepada Akaun Deposit Tetap Islam atau Terma dan Syarat ini;
 - (f) kami bergantung atau bertindak dengan niat baik ke atas apa-apa Arahan daripada anda walaupun ia kemudiannya menunjukkan bahawa Arahan tersebut tidak diberi, tidak bertulis atau tidak dibenarkan oleh anda; dan/atau
 - (g) berlakunya apa-apa Peristiwa Keingkar.
- 35.2 Pengesahan kami untuk jumlah kerugian atau perbelanjaan tersebut adalah muktamad dan akan mengikat anda melainkan terdapat sebarang kesilapan yang nyata.

36. Tiada Penepian

- 36.1 Anda bersetuju bahawa jika anda melanggar mana-mana Terma dan Syarat ini, kami mungkin pada budi bicara tunggal kami menentukan untuk tidak melaksanakan apa-apa hak atau remedi yang kami mungkin ada berhubung dengan pelanggaran anda.
- 36.2 Walaupun kami mungkin tidak melaksanakan apa-apa hak atau remedi yang tersedia kepada kami sejurus selepas pelanggaran anda, anda bersetuju bahawa kami tidak akan dipertanggungjawabkan untuk mengetepikan atau membebaskan pelanggaran tersebut. Berikutan ini, kami mungkin pada bila-bila masa melaksanakan semua atau mana-mana hak atau remedi yang disediakan kepada kami di bawah Terma dan Syarat ini dan sebarang Undang-undang yang Digunakan. Apa-apa kelewatan di pihak kami dalam mengambil langkah-langkah untuk menguatkuasakan remedi yang tersedia kepada kami di bawah Terma dan Syarat ini atau sebarang Undang-undang yang Digunakan tidak akan menjejaskan hak kami dalam apa-apa cara sekalipun untuk mengambil langkah-langkah tersebut dan kami mengekalkan hak pada bila-bila masa selepas itu untuk menguatkuasakan atau menegaskan hak kami berhubung dengan pelanggaran tersebut atau apa-apa pelanggaran berikutnya oleh anda.

37. Kebolehasingan

- 37.1 Jika mana-mana peruntukan dalam Terma dan Syarat ini menjadi tidak sah atau tidak boleh dikuatkuasakan, ia akan dianggap sebagai telah dikeluarkan daripada Terma dan Syarat ini. Namun demikian, Terma dan Syarat yang lain akan terus berkuat kuasa dan tidak terjejas dalam apa-apa cara sekalipun oleh peruntukan yang tidak sah atau tidak boleh dikuatkuasakan tersebut.

38. Remedi Kumulatif

- 38.1 Hak, remedi, kuasa, dan keistimewaan yang disediakan di bawah Terma dan Syarat ini ialah kumulatif dan tidak mengecualikan apa-apa hak, remedi, dan keistimewaan yang disediakan oleh undang-undang, dalam mana-mana perjanjian lain antara pihak-pihak berkenaan atau sebaliknya.

39. Perlindungan Hak dan Kelayakan

- 39.1 Tanpa mengira apa-apa yang dinyatakan di bahagian lain Terma dan Syarat ini, anda bersetuju bahawa hak dan kelayakan seperti yang dinyatakan dalam Terma dan Syarat ini akan terus berkuat kuasa dan berkesan sepenuhnya, dan akan dikekalkan walaupun dengan sebarang penutupan, pembatalan, pemansuhan atau penggantungan Akaun Deposit Tetap Islam.

40. Perubahan dalam Perlembagaan

- 40.1 Hak, liabiliti dan/atau kewajipan yang diwujudkan oleh Terma dan Syarat ini akan terus sah dan

mengikat untuk semua tujuan, walaupun terdapat apa-apa pemindahan atau penyerahan hak untuk perniagaan, operasi, aset, atau liabiliti kami, atau apa-apa perubahan melalui penyatuan, penyepaduan, pembinaan semula, atau sebaliknya dalam perlembagaan kami, atau mana-mana syarikat yang menjalankan perniagaan kami, dan akan disediakan kepada syarikat yang menjalankan perniagaan tersebut.

41. Penyerahan Hak

- 41.1 Anda tidak boleh menyerahkan sebarang hak anda di bawah Terma dan Syarat ini dan di bawah Akaun Deposit Tetap Islam tanpa kebenaran bertulis kami terlebih dahulu.
- 41.2 Kami boleh menyerahkan mana-mana atau semua hak kami di bawah Terma dan Syarat ini dan di bawah Akaun Deposit Tetap Islam kepada mana-mana individu yang kami anggap sesuai.

42. Undang-undang yang Mentadbir

- 42.1 Terma dan Syarat ini akan ditadbir oleh dan ditafsirkan selaras dengan undang-undang Malaysia, dan anda secara muktamad:-
- (a) menyerah kepada bidang kuasa tidak eksklusif mahkamah Malaysia;
 - (b) mengetepikan sebarang bantahan pada alasan kesesuaian tempat, bidang kuasa, atau apa-apa alasan yang bersamaan; dan
 - (c) membenarkan penyampaian penyampaian Proses Undang-undang melalui pos biasa atau melalui apa-apa cara lain yang dibenarkan oleh Terma dan Syarat ini dan/atau undang-undang yang berkenaan.
- 42.2 Anda dan Bank dengan ini bersetuju secara muktamad dan mengakui bahawa pada tarikh yang dinyatakan di sini, Terma dan Syarat ini, struktur asas di sini dan Transaksi Komoditi *Murabahah* adalah patuh Syariah. Sehubungan itu, setiap pihak di sini bersetuju bahawa ia tidak akan menimbulkan sebarang pertikaian berhubung dengan pematuhan Syariah bagi Terma dan Syarat ini dan Transaksi Komoditi *Murabahah*.
- 42.3 Tertakluk kepada Klausula 42.2 di atas, anda dan Bank dengan ini bersetuju dan mengakui bahawa jika, selepas tarikh yang dinyatakan di sini, sebarang pertanyaan timbul mengenai sesuatu perkara Syariah dalam apa-apa prosiding mana-mana mahkamah atau penimbang tara berhubung dengan Terma dan Syarat ini dan Transaksi Komoditi *Murabahah*, soalan tersebut akan dirujuk kepada Majlis Penasihat Syariah yang ditubuhkan di bawah Akta Bank Negara Malaysia 2009 untuk keputusannya. Keputusan ini adalah muktamad dan akan mengikat semua pihak kepada Terma dan Syarat ini dan Transaksi Komoditi *Murabahah* dan semua pihak tersebut perlu mengambil semua langkah yang perlu untuk menyebabkan/mendapatkan mahkamah atau penimbang tara untuk merujuk soalan sedemikian kepada Majlis Penasihat Syariah.
- 42.4 Ia telah dipersetujui dan diakui bahawa Terma dan Syarat ini dan setiap Transaksi Komoditi *Murabahah* tidak bertujuan untuk menjadi, dan tidak boleh, ditadbir oleh peraturan pertukaran komoditi tempatan di mana Komoditi sedemikian diperdagangkan (di mana yang sama mungkin ditambah atau dipinda dari semasa ke semasa) dan dianggap sebagai suatu kontrak melalui kaunter (*over-the-counter* atau OTC).
- 42.5 Dalam surat-menyurat dengan Akta Wang Tak Dituntut 1965 (pindaan 2002), wang dalam akaun kendalian di bawah pembaharuan secara automatik akan dikategorikan sebagai Wang Tak Dituntut jika akaun kendalian tidak dikendalikan untuk tempoh tujuh (7) tahun dari tarikh penempatan deposit atau tarikh transaksi terakhir, yang mana kemudian.

43. Pengikatan Pengganti

- 43.1 Terma dan Syarat ini akan mengikatkan waris, wakil peribadi dan pengganti hak milik anda,

serta pengganti hak milik dan pemegang serah hak kami.

44. Perbadanan Insurans Deposit Malaysia (PIDM)

- 44.1 Deposit Tetap Islam yang dikekalkan oleh anda dalam Akaun Deposit Tetap Islam ini layak mendapat perlindungan Perbadanan Insurans Deposit Malaysia (PIDM) tertakluk kepada terma dan syarat PIDM. Satu salinan brosur PIDM telah disediakan untuk anda.